



16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43





廣銘齋
藏書

光緒三年春月
行素軒堂校刊

誌銘廣例

錢塘梁玉繩

凡刻石顯立墓前者曰碑曰碣曰表惟納於壙中
謂之誌銘自有誌銘而例因之以起元潘蒼崖輯
金石例十卷明王止仲撰墓銘舉例四卷餘姚黃
梨洲著金石要例一卷德州盧氏彙梓以行世然
標采雜錯兼多漏略覽者病之余據耳目所及別
其類而補其遺摘舊增新次爲廣例二卷廣變例
也碑表非誌銘而例有從全故并舉之嘉慶元年丙辰六月

卷一 體式六十五例

卷二 書法二十三例

誌銘緣起

誌銘廣例一

洪景伯隸釋謁者景君墓表跋深譏王儉石誌不出禮
典近起元嘉之言爲非蒼崖金石例遂歷引諸書辨
墓誌始自殷周夫博通如儉豈不知之前賢未經循
審耳案南齊書禮志皇太子穆妃薨有司奏大明故
事太子妃元宮中有石誌參議墓銘不出禮典宋元
嘉中顏延之作王球石誌素族無碑策故以紀德自
爾以來王公以下咸共遵用儲妃之重禮殊恒列旣
有哀策不須石誌是專指妃墓埋銘不出禮典非謂
宋以前無墓誌且亦非王儉一人之議也而所云元
嘉以來遵用者因魏晉之世禁斷立碑至劉宋時禁
漸弛故舉顏作王誌爲說

誌銘解

墓石之文分言之則前序爲誌韻語爲銘通言之則誌
卽是銘銘卽是誌漢聞熹長韓仁銘乃令牒無韻語
而謂之銘韓文公法曹張君誌銘敘次其族世名字
事始終別無銘辭而曰是爲銘虞部張季友考功盧
東美襄陽盧丞司法李楚金博士李于諸篇皆然止
仲舉陳了齋侍郎鄒公埋銘序而無銘惟結以某官
陳某敘次一語葉適水心集媛女瘞銘只敘其病夭
卒葬結以龍泉葉某記一語是誌卽銘也柳河東集
中諸誌皆有銘辭而題止稱誌白香山范陽張公仲
方墓誌亦然文選任彥升劉先生夫人墓誌無誌但

銘而題獨稱誌蘇文忠李太師墓誌朱亥墓誌亦然
是銘卽誌也六朝人文集往往銘而無誌韓文公試大理評事胡君墓銘盧渾誌銘皆銘而不
序故又有誌文之末不加銘曰二字者如隸釋李翊
碑隸續郭君碑王蘭泉侍郎神金石萃編北魏司馬
元興誌銘懷令李超誌銘俱無銘曰二字

誌銘異稱

宋書禮志漢以後天下送死奢靡多作石室石獸碑銘
等物建安十年魏武帝下令不得厚葬又禁立碑高
貴鄉公甘露二年大將軍參軍太原王倫卒倫兄俊
作表德論以述倫美云祇畏王典不得爲銘乃撰錄
行事就刊于墓之陰此以論爲誌銘也

歐陽公集古錄宋宗慤母夫人墓誌其後云謹牒子孫

男女次第名位婚嫁如左漢韓仁銘是令牒此以牒爲誌也

蔡中郎議郎胡公夫人哀讚云仰瞻二親或有神誥靈
表之文作哀讚書之於碑歐陽公胥夫人墓誌云爲
哀詞一篇藏諸墓曾南豐蘇明允哀詞云刻之於冢
上宋文鑑張橫渠爲弟張天祺誌銘云其兄載以報
葬不得請銘他人手疏哀詞十二各使刊石置壙中
示後人知德者攀號之不足又屬辭爲之誌此以哀
讚哀詞爲銘也

隸釋雍勸碑刊石稱頌祝睦後碑前稱頌曰後稱辭曰
朱龜碑文末云立碑作頌高頤碑因作頌曰金石萃

編北魏司馬景和妻誌文末云式述清高而爲頌隸
釋益州太守無名碑前稱辭曰後稱亂曰巴郡太守
樊敏碑文後有辭曰又有亂曰李翊夫人碑前有辭
曰後有歎曰楊孟文頌前有辭曰後有序曰隸續都
鄉孝子嚴舉碑文後有頌曰又有亂曰樊敏以下韓皆韻語
文公施先生墓銘前稱辭曰後稱系曰河東節度觀
察使滎陽鄭公神道碑前稱韓愈刻其墓碑曰後稱
系曰元微之杜子美誌銘前稱敘曰言其詩中稱系
曰言其世次官位末爲銘曰此皆古人隨意爲之其
他漢唐墓石之文多以銘曰爲辭曰則不勝舉矣
銘後有系

黎洲云楊炯成知禮神道碑銘後有系曰若楚辭別自
一體玉繩案隸釋緩民校尉熊君碑銘詞之後提行
又有追敘君兮一段北海相景君太守樊敏孝廉柳
敏諸碑銘後皆有亂曰一段楊碑倣漢製也

誄全誌銘

黎洲云誄亦納于壙中故柳州虞鶴鳴誄云追列遺懿
求諸后土誌銘亦可謂之誄元鄭師山爲洪頤誌銘
云其門人俞溥狀其言行俾爲之誄以識其葬玉繩
案金石錄費鳳碑追而誄之隸釋景君銘乃作誄曰
隸續嚴訢碑故著名誄是以誄爲銘也校官碑前稱
誄曰後稱敘曰是又以誄爲散文以敘爲銘也柳鄭

蓋用漢例

以別序當誌銘

司馬溫公序劉道原十國紀年不復志其墓令其子義

仲卽以序勒石納諸壙此創例也全謝山太史祖作望

錢退山侍御東村集序卽援此例以序納之墓中

畫像作誌銘

全謝山跋四明尊者教行錄云古人有畫像記畫像贊

二種獨宋慶元庚申沙門善月爲四明尊者法智作像

誌銘是文章體例中所未有也

行狀爲碑

全謝山云輿地碑記曰廬州有唐旌表萬敬儒孝行狀

碑化州譙國夫人冼氏廟有行狀碑乃知行狀亦碑
版文字之一而高僧尤多以行述刻碑或直謂之墓
狀也

題無定稱

題爲文之綱然古無一定之例或稱先生及私諡別號

而不書其官或略其官而字之或直書其名或止書

其氏今人不能倣也止仲舉朱文公劉十九府君誌

銘題書其第曾南豐亡妻宜興縣君文柔晁氏誌銘

婦人而題書其字則皆僅見者凡題曰元堂誌曰窆

域誌曰葬誌曰墓識曰厝誌曰祔誌曰殯誌曰葬記

曰墓記曰塋兆記曰壙記曰墳記曰石記曰磚記曰

塔記曰壙銘曰埋銘曰瘞銘曰墓磚銘曰墓版文曰石槨銘名雖不全俱誌銘之類耳

歐陽公瀧岡阡表題以地書亦僅見

題書郡望

金石萃編天寶七載潘智昭誌銘題云唐故吏部常選廣宗郡潘府君墓誌銘王蘭泉云誌銘從未有以郡望冠其姓而題于前者以為異例

題用墓字異

韓文考異中散大夫少府監胡良公墓神道碑蒲州方氏云神道碑不著墓字惟此有之變例也玉繩案胡

公諱昫字潤博張籍妻父題中良字不可解方本無

良字當是

方氏名崧卿字季申

題與文分兩人

止仲云撰文製題皆出一手無別製題者朱文公篤行趙君彥遠墓碣銘云福國陳公大書其碣之首曰皇宋篤行趙君彥遠之墓而子某使人奉狀請銘而刻諸下方則撰文製題出兩人矣

此與篆額不全

題分兩稱

開元三年四月馮十一娘誌銘題云將作監主簿孟友直女墓誌額云唐故馮氏婦墓誌之銘見臨海洪頤煊平津讀碑記

題書文略

姓氏官位已見於題則文中略而不書北魏司馬元興

誌銘題云魏故甯朔將軍固州鎮將鎮東將軍漁陽
太守宜陽子司馬元興墓誌銘而文但敘事無一言
及其官韓文公劉統軍獨孤少監鄭郎中董刺史崔
評事諸誌銘柳河東張中散誌銘歐陽公孫侍制誌
銘皆不書姓以題已著之不再出也亦有見于文而
路于題者金石萃編北魏司馬晒夫人誌銘云夫人
姓孟字敬訓清河人而題云司馬景和妻墓誌銘不
著其妻姓矣

題書僧姓

金石萃編大歷三年義琬禪師誌銘題云唐故張禪師
墓誌銘題書其姓僅見但文中稱俗姓董氏也

題書妻合葬

黃梨洲閩百詩注堯峰諸公皆言古人合葬題不書婦
蓋女統于男之義至明李空同集始有合葬字王遵
巖一輩乃有暨配字先曾祖考妣墓誌銘堇浦杭先
生世駿代溧陽史文靖公撰先文莊公嘗以題書暨配
合葬爲疑先生復書曰梨洲黃氏云婦人從夫故誌
合葬者其題只書某官某公志銘或墓表未有書暨
配某氏也引張說爲蕭灌楊炯爲王義重兩神道碑
爲證且曰自唐至元皆無夫婦仝列者徐司寇作讀
禮通考據其舅氏亭林先生所撰金石文字記有澤
王府主簿梁府君并夫人唐氏墓誌銘四品孫義陽

朱賓撰唐武后垂拱四年十一月也又滎陽鄭府君夫人博陵崔氏合祔墓志銘秦貫撰宣宗大中十二年二月也據此則古人亦有書婦者矣黃氏良由未見兩碑輕易詆駁未可卽爲定論閣下太夫人先歿歷二十年朝廷復有贈典照耀遠近固當鄭重特况梁府君又君家之前事乎但其志新出終南山柳梓谷土中鄭志得之魏縣土中梁志出柳梓谷黃氏未及見王遵巖處士陳東莊公暨配黎氏墓表魏叔子楊一水全配嚴孺人合葬墓表袁君泰徵全配吳節母合葬墓誌銘二公皆名能古文者其文炳見於集中如有譏我者可援以相證矣古人行文與作事皆有就簡之理何

謂就簡其一夫一婦固已人有再娶至三四娶者吾鄉沈端恪公蓋嘗五娶皆已前歿神道之碑亦鄙人所撰若皆列則額隘而不可篆其皆削而不列亦事勢然也或夫在而妻先卒別爲立碑昌黎爲都統韓弘妻撰銘是也或子爲母刻石臨川爲楊學士母撰誌銘是也其首必冠以某官某之妻誠有如黎洲黃氏所云至於夫自立碑或書配某或不書則因乎其人因乎其時於禮無礙原無一定之製亦無一定之例也而爲金石之例者必沾沾執一例以相繩不亦慎乎鄙人文不足重閣下聲華爵位爲海內所具瞻旣不爲例所拘又有所據依而非出於獨創斷然行

之可無疑也玉繩案王咸陽金石遺文唐故幽州良鄉府折衝都尉上柱國宏農楊府君夫人潁川陳氏誌銘其略云君諱惠策閩鄉人也夫人潁川陳氏並登偕老俱享延齡府君年九十大歷十三年三月十四日卒夫人八十七永泰二年八月十八日終以大歷十三年歲次戊午十一月七日合葬于本縣望鄉里之平原金石萃編開成六年唐貝州永濟縣故馬公名恒郝氏二夫人誌銘會昌四年尹府君朱夫人誌銘樓鑰攻媿集朝請大夫吳公并碩人姚氏誌銘叔祖居士并張夫人誌銘韓元吉南澗橐沈氏考妣誌銘蓋明人所本不獨朱秦兩碑爲然

誌不可冗

洪容齋四筆云東坡爲張文定公作墓誌銘有答其子厚之書云志文路中已作得太半到此百冗未絕筆計得廿廿半月乃成然書大事略小節已有六千餘字若纖悉盡書萬字不可古無此例也知之知之蓋當時恕之意但欲務多耳今志文正本凡七千一百字銘詩一百六十字予鄉士作一列大夫小郡守行狀九千言衢州士人上書二萬言讀之豈不厭倦作文者宜戒之太僕陳先生兆嘗謂余曰冗固不可若事有足書雖長何害兩漢列傳有一人而分兩卷者不得以爲冗也

書先世無例

閻氏潛邨劄記云凡敘人家世皆自曾祖以下無及高祖者間及高祖亦必其人其事足書非空空僅及其名諱而已董浦先生嘗譏其不知例以爲漢唐以來或歷舉世次或錯舉遠祖或書始祖始遷祖或從高祖起或從曾祖起或止書祖父或止書父或先世概不書只述本身無一定也

先世書官不名

東漢碑多不書先世名諱趙德夫云爲子孫作銘不欲名其父祖此最得體玉繩案集古錄金石錄隸釋隸續所載漢碑皆書官而不書名亦是當時一例檢文

苑英華及金石萃編隋以前猶如此至唐則罕見矣

文不書諱

隸釋故民吳仲山碑字而不名袁簡齋明府枚隨園隨筆唐天寶時張府君誌銘但稱字希古不書其名然猶字之也東坡李太師墓誌名與字皆逸之矣乃又有曰某者洪容齋主筆云碑誌之作本孝子慈孫欲以稱揚其父祖之功德播之當時垂之後世當直存其名字無所避隱然自唐及本朝名人文集所志往往只稱君諱某字某至於記序之文亦然王荆公爲多殆與求文揚名之旨不相契

銘用散文

止仲云韓文公河東節度觀察使滎陽鄭公神道碑歐陽公長安郡太君盧氏誌銘王介甫太常博士曾公誌銘尹師魯將仕郎守瀛州樂壽縣尉任君誌銘大中大夫尙書屯田郎中分司西京上柱國王公誌銘三班奉職尹府君誌銘曾南豐刑部郎中張府君神道碑以議論爲銘辭而不用詩是一例也玉繩案葉水心集如郭良臣蔡待時姜處恭丁希亮諸誌皆以無韻散文爲銘

以誌體爲銘

柳仲塗宋故和州團練使李侯誌銘惟王建侯甯邦國曰杏爾守節爾之良予其耿乃休光爾之素乃成績

顛隕其追弗庸克自及予將其試汝汝侯于乃單單

惟政有成汝其遷于濟濟旣五年始來朝曰西北晉

姦也汝居遼以捍之久弗易厥初民兵且完曰東南

吳臣也汝徙和以接之逮明年侯死有仲曰鈞歸侯

于濟冬定葬於西客有誌且銘之者此文代夢壽作故云客曰

晉陽李氏者侯之姓也曰守節而得臣者侯之名且

字也太尉贈封曰植者侯之曾祖也太師贈封曰益

者侯之王父也滑相潞三節度曰鈞者侯之先也東

頭供奉而追皇城使者侯之四命而職於內也始于

單而訖于和曰團練使者侯之四封而牧於外也起

仕于周而暨我宋者侯之歷兩朝而臣三帝也十五

年學于家而十八年位于世者侯之壽三十有三也
歲辛未而春戊辰者侯之薨曰開寶四年二月二日
也冬季庚寅而襄事者侯之于是歲而封于墓也二
季掌後而主喪者侯之無子男而有女也哭室而奠
帷者侯之妻曰符氏也某州某縣某里者侯之先塋
今從葬也撫辭而書石者侯之館客臧丙夢壽也

撰銘如誌

敘事在韻語中此體蓋始於韓文公劉統軍碑止仲黎
洲所舉韓柳歐王諸篇世系名字鄉邑歷官壽年葬
地雖見於銘然皆短章數韻茲不重述只取序略銘
詳者數家摘而載之

劉統軍碑唐故陳許軍節度使金紫光祿大夫檢校
尚書左僕射兼御史大夫右龍武統軍彭城郡開國
公食邑二千戶贈潞州大都督劉公諱昌裔字光後
薨既葬將反柩於京舍於墓次故吏文武士門人送
客訖事會哭將退咸顧戀牽連一口言曰自我公薨
至葬凡所以較德焯勤者莫不粗完隱卒崇終有都
督之詔日事時功以著不可誣有太史之狀太常之
狀有諡有誄有幽堂之銘又如卽外碑刻文以詩顯
之其於傳無已豈不益可保於是相許諾以告其孤
縱縱哭捨杖拜曰縱不敢違則相與刻銘文曰劉處
彭城本自楚元陽曲之別繇公祖遷公會祖考爲朔

州守祖令太原仍世北邊樂其高寒棄楚不還逮於
公身三世晉人公生而異魁顏鉅鼻幼如舒退少長
好事西戎乘勢盜有河外公雖家居爲國暗噫來告
邊帥可破之計楊琳爲橫巴蜀靡彫公由游寄單船
諭詔折其尾毒不得動搖琳後來降公不有功終琳
之已還臥民里蓋古有云人職其憂無事於職而與
國謀德宗之始爲曲環起奮筆爲檄強寇氣死決敗
算成效於屈指環有許師公遂佐之蘇民軋敵多出
公畫累拜郎中進兼中丞雖在陪貳天子所憑蔡卒
幸喪圍我許鄆新師不牢動勦將逋公爲陳方應變
爲械與之上下寇無所賴遂至遁敗以功遷陳實許

之半聲駕元侯以勢自憚復入居許爲軍司馬脫權
下威士心益歸卒嗣環職業惡崇德乃與蔡通塗其
荆棘稚耄嬉遊連手歌謳上無可怨下無與讎旣長
事官峻之大夫其償未塞僕射以都及癸巳歲秋涌
水出流過其部破民廬室公卽疏言此皆臣憊防斷
不補瀆民於泉臣耄且疾宜卽大罰上曰熯害大臣
其來允余之思其可止哉驛隸走呼有中使來公迎
於驛遂行不迴六月隆熟上下歆絕公鞭公驅去馬
以輿公病日惡不能造闕仆臥在宅閤有加錫命爲
統軍龍武之右兼官左相百僚長首冬十一月日將
南至公遂薨殂年六十二奏聞怛悼俾官臨弔悲不

聽朝贈督潞州存歿之資於數爲優明年九月東葬
金谷公往有命匪後人卜 王介甫梅公神道碑宋
翰林侍讀學士正奉大夫行給事中知許州軍州事
兼管內堤堰橋道勸農事上柱國南昌郡開國公食
邑二千三百戶食實封六百戶賜紫金魚袋梅公之
墓在宣州宣城縣長安鄉西山里公有五子鼎臣德
臣實臣輔臣清臣清臣今獨在爲尙書司門郎中以
公行狀及樂安歐陽公之銘來請文以刻墓碑時熙
甯元年八月四日也銘曰公先梅伯後氏其國彌周
涉秦不見史策有銷有福著漢名籍公福之孫詢字
昌言三世弗仕陵陽之里公第延中判官利豐再歲

而擢以丞將作以宰仁和人譽用多主推御史待者
進士一見天子以爲知己詔曰試哉遂試中書館之
集賢賜服緋魚於時繼遣兵我西鄙老弱餽守丁疆
多死靈州告 視不怡公請擇人使潘羅支兵法
所謂以夷攻夷帝曰誰 無如臣者曰子汝嘉閉陷
奈何公拜且跪颺言而起苟紓 師臣不愛死出書
授之往訖爾謀至疆勅還會棄靈州帝察公藝可書
帝制相或止之留佐三司其後羅支果窘西賊論將
料敵皆如所策或從或違或擠或推牾合阻夷神者
公尸黜之倅州用獄一眚去杭而蘇列國東屏漕輸
澗河就付將領三年告功僅得故省又以譴投守彼

淮州有僚許公相得於此與之欣然樂以忘徙使於
湖北遷自濠梁又奪一官往裨於襄坐發驛馬給奔
喪者於鄂於蘇剖將之符握節關中使總其輸煌煌
金章厥錫特殊謀復靈武度兵葫蘆秦有將瑋諾公
與俱會瑋召還公復淪胥有反咸陽能名氏朱始雖
弗察後捕而誅自懷祖池再副戎車真宗新陟罪垢
皆滌爲郎度支以將廣德外更四州楚壽陝荆乃還
待制中糾獄刑有歸龍圖其唐殖殖就以學士專其
閣直輟之銓衡乘傳臨并超遷郎秩進植樞密趣歸
封駁考國中失申命選事得權進紕加職侍讀改司
羣牧移之審官審是在服伐閱積遷給事於中告疾

出許鼓歌從容方公少壯志立人上談辭慨然帝悅
而嚮及後晚出皆爲將相公則老矣將歸田里康定
辛巳六月 日公七十八以其官卒公開南昌勳爵
第一夫人曰劉不及郡封封君彭城其卒先公公卒
明年季秋挾日於州山西卜祔而吉公有四子伯爲
進士丞於殿中與仲前死仲賜科名叔也皆丞將作
殿中或廢或興有顯惟季時丞衛尉今爲郎中論序
初終實來求詩刻示無窮 虞部郎中晁君誌銘尙
書虞部郎中晁君諱仲參字孝先以治平四年五月
九日卒於通判舒州事其子以熙甯二年正月二十
九日卜濟州任城縣諫議鄉呂村之原以葬狀君之

行來乞銘掇其語爲銘曰晁望潁川衛有卿丙錯以術用作漢家令魏晉南北史無傳人良正官唐仍不大振開封于家徙鉅野縣辟時韞屯出宋而顯迥奮布衣太子太師宗慤秉政父子一時三朝四世錫榮正慕佺令中書爲君曾祖有子迪者刑部侍郎乃生宗簡世德孔揚使京東西郎于刑部君實其嗣少則多譽仲父保任主簿上虞鞏墨隳政易君仕初從容調睨吏莫玩法墨以廉終弱仲強懼按察擾獄夙如我謀君不爲奪械囚于州將范文正歎愛而謂畏宜繩私公勇勿畏君願持此畢身無尤薦監越酒旋宅父憂判官于滄擢丞大理汝州郟城來知縣事富姓

賦更寓田勢家役煩且窘中戶愁嗟君哀僞券應手卽辨完蠹噓枯俗戒以勸秦王諸孫上冢入郭卒榜驛隸君擒而誅將劾中人匿車夜遁移內侍省罪令卽訊迄明年至徒御無譁能聲震越號稱其家易曹濟陰太子贊善督尉索盜里閭宴衍馬入罷牧地租于民厨傳費劇輸之殆貧君曰閔哉責豈無豫操書鐫守多紕其數遷官博士去領開州大築學校率衣冠游溫湯之鹽實不酬課歲蠲百萬奏自君可氓疾不治謁巫代醫教以餌藥盡投詭祠失怙恃者予其娶嫁坐堂朝晡飲酒閒暇英宗纂極員外于虞比駕二部闕最而除今天子恩始正卽位攝舒朞年條教

逾肆殍來鄰邦賑使無僵扶攜飽去又遺之糧敦於
除害未始愛力取樅陽河避羅刹石折池口征合于
銅陵官不失算舟無危行人幸是爲曠數十載趨令
謹呼無有稚艾孤山馬當歲漂百航鑿秋口浦直走
雷江脫險風濤幾五百里章隨驛聞就付其事方冬
告役君夏而姪壽五十五識者歎吁齊公孫氏作配
甚似封永康君誕惟四子端仁端義端禮端智仁中
進士常州司理義郊社郎餘則未仕五女四人歸爲
士妻石端候彥候歸而蔭范胡二壻純粹曾孺幼處
于家君孫有五男節符錢其二則女惟君平生外晦
內明忤出不意默無與爭祿賜族媼恩稱疎戚庖無

朝炊笑語如昔晚尤靜曠病不告遺極談性命方絕
之時子丐埋辭哀龕走汴掇其緒餘以質幽竈京
東提點刑獄陸君誌銘提點京東諸州軍刑獄公事
兼本路勸農事朝奉郎尚書司封員外郎充集賢校
理上輕車都尉賜緋魚袋借紫陸君諱廣字彥博其
先吳郡人也至君之高祖始遷福州之侯官以避唐
末之亂曾祖諱景遷仕吳越爲驍騎上將官檢校太
傅祖諱崇辰以威武軍觀察推官從其王歸京師官
至殿中丞歷知瀘道潮貴四州以卒考諱中和不仕
以君故贈官至尚書職方員外郎君以天聖二年進
士起至皇祐四年某月以使走齊州某甲子卒於鄆

之平陰君子長倩等以嘉祐四年某甲子葬君
杭州之錢唐某所之原而書君繫世官職行能勞烈
卒葬之地一時以來求誌墓銘曰於惟陸氏吳郡其
始福之侯官近自唐徙君曾大考太傅將軍實仕吳
越爲皇陪臣太傅有子始來皇朝丞于殿中歷將四
州卒葬侯官實生處士贈官職方君實其子維君諱
廣彥博其字文辭甲科四府從事起家邵武再遷徐
州遂監稅酒滿歲陳留許昌之招甯海之從乃令烏
程乃丞開封始佐著作去爲尉氏詠歌仁民無有壯
穉移叩大邑告母高年免蜀就養稅商于泉又移導
江斗穀于錢君命賑之以我公田盜屠民家尉以囚

來囚言實盜君曰釋之尉方力爭眾亦莫寤後得眞
盜果如君慮離堆之江豪右擅焉君修堰渠始誦其
專灌田爲頃萬有七千鑄約示後後無凶年鄭文肅
公來治杭劇君以通判往從其辟州人僦屋吏代之
輸君爲勅法遂無逋租中書遷君御史推直有言朝
廷今以爲勅冬狩于郊大講戎兵作箴以獻逆戒荒
萌召寘集賢以爲校理當時名字簡在天子出知婺
州惡吏先鉏募能拯溺民以不漁婺之明年改命治
泉泉人習君謠語謹然爲橋南江濟者免覆置廩州
學士懷我育有告眾叛當君燕時命捕立得坐人不
知蘇饑息窮去害除弊使臣以聞守政尤異智高螫

邊吏不時搏君書驛上焯有方略歸佐三司廷論南
師帝曰可哉汝言予施河京以東再執刑柄諷囚于
齊至鄆而病棄世平陰壽五十三有子四人扶喪而
南長倚惟伯仲惟長緒長恕惟叔季惟長愈倩掾秀
州敏有辭章緒由君恩郊社齋郎又女六人皆出陳
氏維陳淑慎善相君子四男有立女亦有歸受封長
安卽養無違爰以嘉祐六年正月歸君錢唐范村之
穴前作嘉祐四年惟君靜深不苟笑嘻嘻隆親篤友遇物愛慈
讀書慨然慕古奇偉顧謂諸子仕當如此官止外郎
尚書司封又不得年以旣厥庸有文藏家後世之詒
於君所得可以此窺有幽斯窆掩石在下撰君初終

以告來者 張文潛王仲孺墓誌止仲河南王雯者

齒少篤于自修好學而能文余聞之而未見也紹聖
四年余以罪戾謫官齊安一日有客墨衰造門視其
謁雯也見余則泣而言曰先君與子舊矣雯不幸旣
孤將葬而無辭以刻先君之墓敢以是屬之子某曰
余嘗見朝奉君子京師其深者某之陋所不敢知而
其粗與夫眾所譽者竊聞之矣不曰篤恭好學而廉
儉者歟敏于爲吏愛民徇公直己不撓于權者歟然
其人厚于實而薄于名豐內而嗇外世之君子未必
知之余嘗辱聞焉則屬銘于余固宜謹取其爵里行
事敘之曰君曾祖諱恪西頭供奉官祖諱淮越州諸

暨主簿贈太常博士考諱起尙書屯田員外郎祕閣
校理贈左中大夫君初補太廟齋郎調陝府湖城縣
尉又爲澠池安邑二縣主簿河中縣猗氏縣令改宣
德郎監解州鹽池兼知縣覃恩遷通直郎賜五品服
知孟州溫縣遷奉議郎加武騎尉管勾京北排岸司
遷承議郎加雲騎尉監京米倉遷朝奉郎知德州加
飛騎尉紹聖三年五月二十六日棄于官享年五十
以某年某月某日喪奉君之喪葬于河南府某縣某
鄉某原以夫人楊氏李氏祔焉銘曰君諱仲孺時中
其字世河南人河清其里以蔭筮仕湖城是尉湖廢
官罷留君一歲實維相逢從湖民意其在安邑涌水

于野邑人走祠君鞭而罷後令猗氏有愛其民旣去
十年見之如親實其耆老以謂子孫民居侵達使者
議毀君紵其苛一道是賴安邑賈鹽民富悍豪君教
之學獎禮其髦孝秀聿興鄙悖茲消西民餽師履產
輸泉君力弛之鰥寡用安令溫治盜曰姑安之勿浚
其姦吏逸民嬉盜悔而耕厥壤大滋邑豪坐獄重賂
而逸君以奇購唾手則獲君之去溫其民涕留耆老
百千聲言于朝惟河內溫邑連部異河內有請假君
決事後守德州河溢而驚羈民流殍所活萬數伍長
驕悍其將笞之長以眾逃斥將之疵君謂長叛首寘
于罪貸將不問境爲無事一時持權爭欲用君勉之

比周君爲不聞云胡不淑五十而僨君凡三娶皆有婦道粵初楊氏其父曰慥繼李父周學士集賢今夫人陳姻黨稱焉劉時張闕又楊克中壻其三子惟德之仝君三男子惟雯在耳進士登科甚飭而藝陶牙之原鬱乎松楸乘者下之君子之正 劉莘老忠肅集吳郡君誌銘濮陽郡君吳氏世家撫州之崇仁縣贈太常少卿諱錯之孫故都官郎中諱有鄰之子故給事中天章閣待制致仕郭公諱申錫之夫人郭公初娶陳氏實爲我妣之妹旣早亡而再室夫人某以陳夫人故數出入拜夫人今諸子舉公夫人之葬而以銘見屬宜不可辭乃爲銘曰懋惟吳宗篤生夫人

其字道卿其名嗣眞○二十八歲乃始有家不逮事舅姑壽則遐○陳氏有子六人皆幼夫人撫之已孺不後陳氏兄弟間至猶昨夫人遇之已族不薄給事立朝侃侃言路不以家郵夫人之助謫官濠梁不以憂戚姑尤安之以時分力○治平五年從夫河中九月十八感疾以終壽五十一弗克永年行豈不淑而報乃愆有男禮立主將作簿女亦一人嫁宋文虎居仁和縣郡封濮陽旣沒七年給事亦亡熙甯八年仲冬一日遂合陳氏從夫幽室 畢仲游西臺集倉部郎中王公誌銘序中先詳載上書論河決事罷官一節後止載歷官及三代卒葬月日并卒葬之地餘皆

見銘中銘曰王氏居孟徙家河清諱森者誰大夫公
名其字茂之公配張氏繼者二室曰江曰賈皆祚大邑有

六男子足修公後希道師覺居長而茂女實半之厥

孫則倍六十有六中壽之次樓攻媿林府君諱頌與祖

字誌銘曰維林之先著籍于青五季避地遂居四明

曾祖曰簡隱德自高祖諱漫仕韶司戶曹財雄一鄉

積豐施厚植德名堂用昌厥後父嵩孺科晚仕不顯

節度推官官止清遠母也馮氏賢如軻親君少挺特

篤于自信○恂恂二子處恭事敬伯曰惟忠叔曰惟

孝字之以全義方之教叔既登科伯亦舍選人謂君

家慶出積善伯也忽焉人疑于天宗一繼進纔閱三

年夫人曰任克相夫子叔官從政司越之理孫主邑

簿宣之旌德次傳省仕不渝粹則壻曰周焯僅試一

尉次曰楊忻孫女惟二祖葬豐林遠七十里願依九

京今從其志王晦叔雙溪集宜人汪氏墓銘曰歛

中諸汪英濟苗裔有御史瀆生直五季時方亂離捍

庇鄉里其後族居鱸溪之浹七世孫仔遺逸不仕號

鱸溪翁以德以齒婉變宜人翁之孫女愛其敏慧聘

不輕許炎與宜人姑舅兄媾瓜葛因依遂歸王氏方

其初歸夫家甚襄以姪從姑順承無忤攻苦食淡化

治絲枲泊炎宦游相正以義流落江湖備嘗艱阻晚

入中都稍獲燕豫升為命婦三拜恩賜豈意災生連

失二子憂患之餘亦愆調護去國三年疾竟不起春
秋六十而又一歲宜人所生七男二女六子短折家
督惟恕四孫差肩今方穉孺二女遠嫁閩山鄂渚屬
續之日不能奔赴既沒二年得地安厝泮泮之原環
以流水鑿築幽居弗陋弗靡虛壙在左炎以自爲百
歲之後全居於此開禧改元月在建子望後八日幹
乙亥己棟茲良辰窈窕事川流不徙山鹿不弛旣
吉且安永利後嗣 元文類姚燧故民鍾五六君誌
銘繫鍾徙吉潁川自迫於靖康繹騷避吉而來岳世
方四由元而富仕明至實生文興叔進字郎行五六
以族次凡是四世皆不位吁哉五六遁迹市乃如天

啟所狀事居家孝謹文縝嚴訓厥子俾知義自奉
殊貶忘勤勤居約以極豐其積此邦師之陶猗視居
鄉侃侃和以易不私其有善分施歲荒民飢閔瘠瘁
發我廩庾飫老稚崩梁壞塗撻石治至今行者賴其
利己丑之閏月庚申年六十八世乃棄葬之三陽先
墟比黃室之子南秀嗣南英南金又其季一女結褵
未決議男孫滿十女半是一庭變兮貫魚似椒聊蕃
升必天意豈憐之家久踣躓一朝起行當遐致况如
南秀士服被下及二季皆學仕始卑終高若登陞或
者而宗由昌熾匍匐哀求銘元誌伊誰成厥孝子志
苟有善奚必門地漢民仲山凡豈意奮華發隱太史

燧 宋本處士甄君碣銘應奉翰林文字真定蘇天
爵伯修父持所著處士甄君行狀求銘其墓曰君鄉
之先達諱昌祖字茂先師侍其先生軸交秋礪王公
暉俾天爵狀以謁銘子者其子恆志也銘曰舜胃氏
甄代遐邈君世有系遠益略茂先昌祖字諱錯無極
徙恆遂地著曾祖公亮德潛爍祖讓事金刺嵩洛考
用致位民部幕妣劉繼王淑相若君讀六經得大約
母王滌灑老致樂築亭訪山在負郭木石與居隱操
褻師軸友暉敬不諛言倍過行期救藥經史傳集浩
以博重屋刀冊示尊閣修名矚然日孔灼蜀憲聘掾
以養却戊申月正體魄落歲六十二瘞諸俗儷代之

王賢以嬖治恒補吏晉臬擢文章變兮死未灼子子
克敏齒踰弱王侯不事斯道卓幹母之蠱子職恪懿
君學易協準矧顧親小祿辭不諾惟古逸遺名不鏤
賴士載辭傳磊砢抑本茲銘不已作誰之言者蘇天
爵 方孝孺宋仲珩壙誌銘曰璫爲君名仲珩字金
華其居宋爲氏父濂名儒國太史曾祖暨祖咸善士
德政文昭乃厥諱君資粹清學淳美文辭妙麗天所
畀書尤有法配虞李中書舍人五官禛忠孝慎恭世
儀軌三十有七庚申死季冬八月時加已姪性迎喪
友經紀明葬浦陽江東鄙耐母賈墓羅山趾仲夏某
日襄厥事配方甚淑懌其子從太史行莫爲主嗚呼

致斯果疇使埋石及泉載終始孝孺勒辭書鄭濟慈
谿姜編修宸英作安城楊春華誌銘亦效此體

表不用文

韓文公施州房使君鄭夫人殯表用七言詩十句而無
文止仲以為變例也

誌表不敘事實

韓文公博士李君誌銘通篇只論服食之害王介甫寶
文閣待制常公墓表通篇空論皆變例也

銘詞異格

郭忠武王家廟碑顏魯公撰并書銘詞八章每章四言
五句上四句慶陽皓東賓陽嘯支各間用韻末一句

合八章全用侵韻此格前所未有

一人兩誌銘

南史梁裴子野卒湘東王為之墓誌銘陳于藏內邵陵
王又立墓誌埋于羨道羨道列誌自此始焉案柳河
東續滎澤尉崔君墓誌續太傅崔祐甫之辭也又亡
姊崔氏夫人墓誌蓋石文有云我伯姊之葬良人博
陵崔氏為之誌敢附碑陰之義假茲石而書焉宋子
京劉貢父皆有評事張晦之誌銘亦是一人兩誌

山集有續墓誌有墓石蓋文皆援柳州之例也又南史梁安成康王秀卒詔

立碑誌當世高才游王門者東海王僧孺吳郡陸倕
彭城劉孝綽河東裴子野各製其文將擇用之而咸

稱實錄遂四碑並建蔡中郎集胡廣陳寔各三碑橋
 玄楊賜胡碩各二碑水經注集古金石二錄隸釋張
 平子陳球各三碑祝睦郭禧劉寬秦頡趙越樊重各
 二碑魏黃權四碑則是東漢以來固有一人而至三
 碑四碑者南齊書豫章王疑薨其子託沈約及孔稚圭為文當是兩碑
 兩人分撰誌銘
 孫侍御志祖讀書脞錄云北史樊遜傳魏收為庫狄干
 碑敘令樊孝廉作銘陸印不知以為皆收作蓋古人
 碑文前敘後銘不盡出一人之筆也唐工部尚書來
 曜碑張鎬撰敘蕭昕撰銘南唐徐鉉徐錯為人誌墓
 亦一撰敘一撰銘並全此例近見王光祿鳴盛跋葉

水心集云獨孤及至之毗陵集有正議大夫右散騎

常侍贈禮部尚書李季卿墓誌銘至之作志尚書右

丞賈至幼鄰作銘蘇許公瓌墓碑盧藏用作敘張說

作銘皆一文而兩人共為之玉繩案王厚之復齋碑

錄梁太常卿陸倕墓誌從子襄序湘東王蕭繹銘集

錄梁開善寺智藏法師碑新安太守蕭幾敘湘隋上

東王繹銘尚書殿中郎蕭挹書世號三蕭碑張惡子

儀同楊紹墓誌許善心序虞世基銘金石錄唐王岳靈

序宋昱銘禹穴碑鄭餗序元稹銘重建顏含碑晉江

夏李闡撰傳曾孫宋延之銘十四世孫唐真卿書又

復齋碑錄有重建龍興寺碑房琯序綦毋潛銘金石

萃編周尉遲迴廟碑唐閻伯璵敘顏真卿銘武德九
 年宗聖觀記歐陽詢序并書陳叔達銘開元十三年
 述聖頌達奚珣序呂向撰頌并書天寶元年盤屋縣
 樓觀元元靈應頌戴文苑英華唐李父碑蘇頌序盧
 璇序劉同昇撰頌

藏用銘元希聲碑崔湜序張說銘陰府君碑外孫某
序張說銘顧少連碑杜黃裳序韋夏卿銘錢竹汀詹
事大金石文跋尾北齊武平二年朱岱林誌銘誌是
第四子敬脩所撰而銘詞則出于猶子敬範乃敬脩
從父兒也岱林字君山樂陵濕沃人兄元旭魏書有
傳岱林爲羣盜所害故誌文有思與泣俱文兼涕落
之語金石遺文唐魏府君誌銘誌乃其子魏知古自
製銘託其友崔融爲之其略云府君諱行覽字宏之
鉅鹿鄆人也春秋卅有一以乾封元年七月廿六日
邁疾而終夫人趙郡太夫人李氏瀛州饒陽人也以
神龍元年冬十二月邁疾二年春正月大漸粵七日

壬午薨于東都綏福里第時年七十有八知古偷存
視息匍匐苦壤或不忍言粗陳實錄友人國子司業
清河崔融文章冠代敬託爲銘宋文鑑滕宗諒王公
旦名昱字誌銘末云諸孤來乞文以誌神隧予不讓
也晏詹嗣而銘歐陽公外集河南府司錄張君誌銘
天水尹洙撰誌渤海歐陽脩爲銘張君改葬墓碣亦
云河南尹師魯誌其墓廬陵歐陽脩爲之銘王禹玉
華陽集翰林侍讀學士賈君黯誌銘云太原王珪爲
之序成都范鎮爲之銘凡此並兩人作一文也

兩人共一誌銘

兩人共一誌止仲舉會南豐二女墓誌黃山谷黃氏二

室墓誌玉繩案趙德夫金石錄有益州刺史薛君巴

郡太守劉君碑隸釋有蜀郡屬國辛李二君碑葉水

心集有著作諱風字正字諱胡字二劉公誌銘有陳

同甫名王道甫自誌銘唐順之為賀氏孫楊氏妻

誌銘見文集黃梨洲作余若水名增周唯一名齊兩

先生誌銘見南雷文約皆合兩人為一此史家全傳

體也全謝山集華氏忠烈合狀楊氏四忠雙烈

父子共一碑

陸放翁渭南集詹朝奉靖之墓表兼述其子長民事末

云朝奉公之子阜民以父兄遺事屬予為墓表且曰

願共為一碑而疑古未有比予謂石元懿公熙載及

其子文定公中立實全一碑故相蘇魏公所為也是

為比玉繩案隸釋鄭固碑大男孟子有揚烏之才年

七歲而天建防共墳配食斯壇銘云嗟嗟孟子苗而

弗毓是子耐父葬共一碑漢已有其例矣金石萃編

唐葉有道碑李邕撰有道諱國重道士葉法善之祖

也碑中兼敘其子贈歙州刺史慧明全謝山有明嵩

明州牧房仲錢公兩世窆域志銘乃房仲與孝子叔

美也

兄弟共一碑

隸釋郎中馬江碑述其中弟文緒位主簿督郵年卅二

早世短折洪跋云因全時改厝其季故作碑併言之

其曰東看祖禰西瞻舊廬可見其瘞以昭穆也

自為誌銘

唐以後史傳及名人文集言自為誌銘者不可悉數蓋

無使人飾美俾懷愧地下也

明劉大夏語

案西京雜記杜

子夏臨終作文曰魏郡杜鄴立志忠款犬馬未陳奄

先草露骨肉歸於后土氣魂無所不之何必故工然

後即化封於長安北郭此焉宴息及死命刊石埋於

墓側斯自作誌銘之始趙嘉刻石墓前其後也

嘉事見御

覽五百五十八卷引趙岐三輔決錄

預乞人作誌銘

金石萃編宋乾道五年袁渤撰和州防禦使楊從義誌

銘公嘗託門下士朱許昆季迹其行事編為陞除錄

一日公出示所錄委勃為誌

父為子乞誌銘

曾南豐光祿寺丞潯州太平州吳君誌銘云龍圖閣直

學士給事中吳仲庶具書載其子業官世行治屬余

曰吾子某不克壽不得見其志希得銘信後世則某

其不泯泯尚足以慰吾思也止仲謂父乞銘其子亦

是一例玉繩案文與可丹淵集有父為子求人作誌

銘一篇

咸陽主簿任君

父為子撰文

子孫為祖父撰文并書金石刻中及唐宋名家集多有

之不皆請乞他人也而父爲子撰文并書者惟唐高宗爲太子宏作孝敬皇帝叡德記一事見舊唐書列傳元文類歐陽玄會秀才一漢誌銘一漢行述其父似翁所作

女爲父母立碑

水經沔水注關林山有郭先生碑先生名輔字甫成有孝友悅學之美其女爲立碑於此隸釋郭輔碑其季女明文潁川之夫人也感惟考妣克昌之德登山采石致于墓道案文云有四男三女咸高賢姣嬈富貴顯榮銘曰堂堂四俊碩大婉敏娥娥三妃行追大妣乃季女獨任立碑之事蓋諸兄讓爲之也

妻作夫誌銘

夫爲妻撰文多有而妻志夫墓者僅見洪容齋五筆云慶元三年信州上饒尉陳莊發土得唐碑乃婦人爲夫所作其文曰君姓曹名因字鄙夫世爲番陽人祖父皆仕於唐高祖之朝惟公三舉不第居家以禮義自守及卒於長安之道朝廷公卿鄉鄰耆舊無不叹息惟予獨不然謂其母曰家有南畝足以養其親室有遺文足以訓其子肖形天地間範圍陰陽內死生聚散特世態耳何憂喜之有哉予姓周氏公之妻室也歸公八載恩義有奪故贈之銘曰其生也天其死也天苟達此理哀復何言唐世上饒本隸饒州其後

分爲信故曹君爲鄱陽人婦人能文達理如此惜其
不傳書之以裨圖志之缺玉繩案高文虎蓼花洲閒
錄云熙甯末洛中有人耕於鳳凰山下獲石碣方廣
二尺餘乃婦人撰夫誌銘君姓曹氏名禪字禮夫世
爲洛陽人三十歲兩舉不第卒於長安道中朝廷卿
大夫鄉閭故老聞之莫不哀其孝友睦嫻篤行能文
何其天之如是耶唯兒聞之獨不然乃慰其母曰家
有南畝足以養其親室有遺文足以教其子凡累乎
陰陽之間者生死數不可逃夫何悲喜之有哉丙子
年三月十八日卒以其年十月十五日葬于鳳凰山
之原子姓周氏君妻也歸君室八載矣生子一人尙

幼以其恩義之不可忘故作銘焉銘曰其生也天其
死也天苟達此理哀哉何言其生也浮其死也休終
何爲哉慰母之憂二書所載碑文詳略不全其說出
土之由亦異疑容齋得自傳聞未見此碑不若閒錄
之可信也曹君年僅三十而卒于丙子當是高宗上
元三年

碑誌全一文

文苑英華范傳正李太白新墓碑銘云今士大夫之葬
必誌於墓有勲庸道德之家兼樹碑於道余才術貧
虛不能兩致今作新墓銘輒刊二石一寘于泉高一
表于道路亦峴首漢川之義也

誌銘題後

陳書孫瑒卒尚書令江總爲之誌銘後主又題銘後四
十字遣左戶尚書蔡徵就宅宣敕鐫之其詞曰秋風
動竹烟水驚波幾人樵徑何處山阿今時日月宿昔
綺羅天長路遠地久靈多功臣未勒此意如何

碑後附他氏

隸釋綏民校尉熊君碑於碑後空石提行書茶陵長文
春重安侯相杜暉二人官壽行事各數十言與熊君
絕不相蒙洪跋云似是仝郡盛德之士作文者惜其
無所記錄故附之左方也玉繩案柳州亡友獨孤君
碣詳記其友之知名者於後先府君神道表陰先友

記悉書天下善士六十七人權德輿歙州刺史陸參

誌銘書其友李公受等七人皆倣此例朱竹垞太史

彝倣柳州例作周青士墓表附故友九人

夫人書後

隸釋金鄉長侯成碑於銘後別行云夫人以延熹七年

歲在甲辰十一月三日庚午遭疾終

別爲銘書諱字

金石萃編宋紹聖三年中散大夫王公神道碑銘諱字

不書於文中特於序末銘前別爲銘曰有宋達德君

子王公諱公儀字子嚴之碑此例他碑所無撰者王

森也

誌銘後補書

錢竹汀金石文跋尾三續咸通十一年某君墓誌云葬于昭元里杜頭村之原而空處別有一行云續改地在廣孝鄉延壽里杜湖村之原又天福二年後晉贈太傅羅周敬墓誌云葬于洛陽縣之原而銘詞後有洛陽縣清封鄉積閨村九字此式它碑所未有玉繩案金石萃編北魏懷令李超誌銘文中不及妻與子女銘後提行別敘云妻恒農楊氏父談爲邠州主簿息女孟宜年世六適恒農王始儁郡中正息女媛姿適遼西常彪侍御史息女仲妃適武威賈子謐涼州治中息道冲息女婉華息女依顏息女四輝息道逸

年十六息道栖年十三

兼書其年亦異

又北魏刁遵墓誌題

後列四世官位名字于首并列四世夫人及其父乃云公諱遵字奉國勃海饒安人銘後別云夫人高氏父允侍中中書監司空咸陽文公其實文中已敘高允以女妻遵事何以複出洪頤煊讀碑記贈兵部尚書韓國昌碑立於唐咸通十三年三月至十五年七月恩制改贈三代考妣卽附刊於末此式亦皆異也書人脫誤不改

王蘭泉云唐張昕墓志祖宗隨襄城郡守和易二州刺史祖勣朝散大夫上柱國行闕州西水縣令父元禕中大夫行甯州長史昕之曾祖名宗失寫曾字後云

窆葬於京城南杜城東二百步舊塋之禮也禮上亦有脫字又李光進碑旬有八日有下多書者字旁用點抹去古人依文入石如此玉繩案義興周夫人誌銘以茲吉辰赴杜城東郊之禮也孫志廉誌銘合葬府君夫人于長樂原之禮也張安生誌銘別兆葬于龍首原之禮也王訓誌銘遷厝萬年縣澧川原之禮也真化寺尼如願誌銘法葬于長安城南畢原塔之禮也蓋唐時自有此文法非字之脫至石刻中誤字脫字不可枚舉大抵皆仍而不改爾

誌銘用注

武明府億授堂金石跋云唐鄭仁表撰孔紆誌銘出將

句旁注去聲有病甚矣下皆旁注句字杜殷撰杜順和尚行記稱擲于急流中而復見旁注胡甸反並金石例所無玉繩案柳仲塗作開府儀同三司檢校太師贈侍中孟公誌銘乃孟昶之太子元喆也有小注七處范文正公胡尚書則誌銘有注云王武恭公墓碑太宗至道二年遣五將校李繼遷至烏日池不得進富鄭公范文正誌銘有注云時呂夷簡爲相此例亦前未之見

畢仲游作畢文簡公士安傳自注凡十餘處

誌用也字體

王介甫度支郎中葛公誌銘葛公姓也源名也宗聖字也處州之麗水公所生也明州之鄞後所遷也貫曾

大考也遇大考也旺累贈都官郎中考也進士公所起也洪州左司理參軍吉州太和縣主簿江州德化縣令監興國茶場威武軍節度推官知廣州四會縣著作佐郎知開封府雍丘縣祕書丞知泉州同安縣太常博士通判建州屯田員外郎知慶成軍都官員外郎知南劍州司封員外郎祠部郎中江浙荆湖福建廣南提點銀銅坑冶鑄錢度支郎中荆湖北提點刑獄此公之所閱官也州將之甥與異母兄歐人而甥殺之州將脅公曰兩人者皆吾甥而殺人者乃其兄也我知之彼大姓也無爲有司所誤不然此獄也將必覆公劾不爲變此公之爲司理參軍也州符徙

吉水行令事他日令始至大猾吏輒誘民數有訟庭下設變詐以動令如此數日令厭事則作事常在吏矣公至立訟者兩廡下取其狀視有如吏所爲者使自書所訴不能書者吏授之往往不能如狀窮輒曰我不知爲此乃某吏教我所爲也悉捕劾致之法訟以故少吏亦終不得其意毛氏寡婦告其子以恩義說之不得即使人微捕得之與間語者驗其對乃書寡婦告者也窮治具服爲私謀誣其子孫距州溪水惡而歲租幾千萬碩舟善敗民以輸爲愁公始議縣置倉以受輸則官漕之亦便州不聽公論之不已倉成至今賴其利此公之爲主簿也中貴人擊驛吏取

所給過家以言府府不敢劾公曰中貴人何憚爲吾民而有陵之者吾亦恥之上書論其事中貴人坐絀此公之爲縣於雍也屬吏常有隙於公全進者因讒之公察其旨不聽以爲舉首此公之爲州於南劍也鑄錢歲十六萬其所施置後以爲法程此公之爲銀銅坑冶鑄錢也鄂州崇陽大姓與人妻謀而殺其夫州受賕出之公使再劾劾者又受賕獄如初而公終以爲不直其弟訴之轉運使雖他在事者亦莫不以爲寃復置之獄卒得其姦賕狀論如法此公之爲提點刑獄也甲子四百三十五公所享年也至和元年六月乙未卒之年月日也潤州之丹徒縣長樂鄉

顯陽村公所葬也嘉祐元年十月壬申葬之年月日也鄉邑孫氏今祔以葬者公元配也萬年縣君范陽盧氏公繼配也良肱良佐良嗣公子也妻太常博士黃知良曰金華縣君公女也起進士爲越州餘姚縣尉主公之喪而請銘以葬者良嗣也論次其所得於良嗣而爲之銘者臨川王某也因學紀聞云歐陽公記醉翁亭用也字荆公誌葛源亦終篇用也字蓋本于易之雜卦韓文公銘張徹亦然玉繩案韓于張徹只銘中數語爾介甫之前柳仲塗李守節誌通篇用也字前見後此汪藻浮溪集主簿胡君誌銘倣此體安定胡者君族姓也霖君濟者君字名也世家歛之娶

源嘗得奉新主簿以歸者君爵里也曰順宜曰大明
居鄉稱善人長者遺芳衍慶逮其子孫者君祖父也
少孤能自樹立喜讀書屬文與其兄學四方要必自
我起家雖祁寒劇暑不置者君志操也以資長雄于
鄉務交結賢士大夫間斥其餘趨人之急晚不樂試
吏居家以甘旨奉其親者君行義也築亭館溪山之
間藏書萬卷以課子弟蒔花萬本以娛賓客一時臺
閣之彥戚里之賢交口譽君以文紀其實至無慮數
百篇者君能自適其適而有聞于世者也得年五十
有三以政和二年某月甲子歿牖下者君之始終可
攷而無媿者也曰清河張氏宜家媿德曰師禮師雄

師忞疑然爲舉子之秀者君之嬪息也女一人爲進
士張亨龍妻孫男女合曾孫十人者君之後將大而
無窮也六年冬十有二月某甲子卜其家百步曰西
園之右者君之葬所年月也孔子曰隱居以求其志
行義以達其道君子志義幾于兩得矣而孤師禮又
能狀君之行實求銘于余以行世傳後其言皆合理
應法此余所以爲之銘而不得辭者也

誌銘不納壙

金石萃編乾符三年瑯琊王夫人墓銘乃中官強瓊之
妻在西安府崇仁寺此銘與佛頂尊勝陀羅尼咒全
刻一幢是不埋於窆中也

誌文用君公字

隨園隨筆云裴道安墓志乃其族叔裴肅撰稱道安爲君杜牧誌其弟覬亦稱君則碑誌之稱君固不論尊卑也玉繩案東漢魯峻碑是子爲文刊石以述其父而稱之曰君魯公爲父顏君廟碑稱父曰君止仲載張宛正華陰楊君墓誌通篇述其姪楊景之言稱其叔父爲君蓋古人通乎上下而稱之又金石錄漢故民吳公仲山碑唐李勣碑高宗御製并書稱勣用公字金石萃編唐處士包公夫人誌銘文中稱包君故民也處士也臣也而皆稱之曰公亦例之異者東魏司馬昇誌銘除懷縣令春秋卅有一薨於懷縣唐眞化寺

尼如願律師誌銘律師薨于長安眞化寺之本院令卒尼卒稱薨僅見

婦人稱君

元姚牧菴集有提刑趙公夫人楊君新阡碣銘云古邦君之妻邦人曰小君禮士喪妾不得匹其夫必曰君妻曰女君羊祜妻封萬歲鄉君則令甲郡縣君之始余故不敢氏夫人而君之此發例之最新者然顏魯公撰其姑殷府君夫人碑稱君司馬溫公敘其夫人清河郡君張氏稱之曰君東坡亡妻王氏誌銘亦稱君王介甫撰其妹長安縣太君王氏墓誌君十四而嫁五十一而老五十六而卒則已前此矣

出妻合葬

文選劉先生夫人墓誌暫起荒埏長局幽壟夫貴妻尊
匪爵而重李善注云王僧孺劉氏譜曰璫取王法施
女蕭子顯齊書曰王氏被出今云合葬蓋璫卒之後
王氏宗合之出妻合葬此例未見唐書公主傳中宗
第三女定安公主嫁王同皎同皎得罪嫁韋濯濯誅
更嫁崔銑主薨同皎子請與父合葬給事中夏侯銍
曰主義絕王廟恩成崔室逝者有知同皎將拒諸泉
銑訴於帝乃止此與被出異

尼稱法師禪師和上

梁沈約有比丘尼僧敬法師碑集古錄唐孟法師碑法

師名靜素江夏安陸人少而好道誓志不嫁卒年九
十七錢竹汀金石文跋尾法琬法師碑中宗之三從
姑出家時年十有三卒世有九金石萃編唐宣化寺
比丘尼堅行禪師塔銘俗姓魚氏京兆府櫟陽人春
秋七十有六唐濟度寺比丘尼惠源和上神空誌銘
大師諱惠源俗姓蕭氏南蘭陵人厭世示疾以開元
廿五年九月二日謂門人曰身沒之後於少陵原爲
空遷吾神也享年七十有六竹汀跋云神空者墓而
不塔也文苑英華權德輿安國寺契微和尚塔銘和
尚俗姓權氏法諱契微以初筭之年被服緇褐建中
二年九月六日冥然化滅

銘在文前

盧學士文弢羣書拾補云

見通鑑補遺後

蔡中郎集太尉橋公

廟碑舊本銘在前以光光烈考爲第一段公諱某字

公祖至書於碑陰以昭光懿

此依水經注

爲第二段橋氏

之先爲第三段其後卽係以黃鉞東鼎中鼎西鼎四

銘其事本相連屬明張溥百三名家本於此篇大移

易後來刻本皆依之蓋止見近代碑誌銘在後故改

蔡集以從今其如與蔡文中所云不合何玉繩案銘

在文前古人碑誌未見

撰人書人篆蓋人列名前後

歐陽公爲尹師魯作誌銘與蕭林書曰刻石時首尾更

不要留官銜題目及撰人書人刻字人等姓名晉以

前碑皆不著撰人姓名此古人有深意久遠自知篆

蓋祇著尹師魯墓四字其告之詳如此然所謂古人

深意却不解何意玉繩案東漢石刻未嘗不列撰書

及鐫字姓名如隸釋隸續敦煌長史武斑碑末一行

云紀伯允書此碑堂邑令費鳳碑其妻弟卜君作費

鳳別碑石勳作青衣尉趙君羊竇道碑末一行云書

此盛巨武都太守李翕西狹頌後一行云從史位下

辨仇靖字漢德書文李翕析里橋郿閣頌後二行云

從史位下辨仇靖字漢德爲此頌故吏下辨仇紉字

子長書此頌延熹八年老子銘邊韶作司隸校尉楊

孟文頌漢中太守王升字稚紀作司隸校尉揚淮表
記仝郡卞玉字子珪追述皆見於文中至刻字人如
石經陳興樊敏碑劉盛息懌書顧南源隸辨云劉孔
刻石而子落筆也
耽碑朱適朱祖郝閣頌南缺四威明西嶽華山廟碑
潁川邯鄲公脩蘇下五字白石神君碑王明熊君碑
春陵陳福孫吳禪國山碑殷政何赦以後刊匠不可
枚舉是知此例實始於漢何論魏晉特欵式與今多
異耳因就金石萃編所載摘舉數條如左

撰人書人署名於銘之後

梁始興忠武王碑東海徐

勉造吳興貝義淵書口刻字唐房彥謙碑李百藥撰

歐陽詢書

在碑側

裴鏡民碑李百藥製殷令民書

撰人書人前後單列分列

北魏陸希道誌銘後側面

單列一行云前涼州刺史兼吏部郎中陳郡袁翻字

景翔制銘

兼著其字亦用漢碑例也

東魏太公呂望碑末另行云

通直散騎常侍聘梁使平東將軍中書侍郎恒州大

中正修左史汲郡太守穆子容山行之文唐蓋文達

碑前一行云尙書上柱國燕國公子志甯字處謐作

此文孔穎達碑前一行云禮部尙書兼太子左庶子

上柱國黎陽縣開國公子志甯字仲謐撰

處仲異文尉遲

敬德碑前一行云高陽郡開國公許敬宗撰蕭師亮

誌銘前一行云中大夫行薛王友顏惟貞撰郭思謨

誌銘前一行云進士吳郡孫翌文高延福誌銘前一

行云麗正殿修撰學士校書郎孫翌字季良撰法藏
禪師塔銘前一行云京兆府前鄉貢進士田休光撰
文淨業法師塔銘前一行云正字畢彥雄文思恒律
師墓誌前一行云鄆縣尉常名文貞和上塔銘前一
行云緱氏縣尉沈興宗纂尹尊師碑前一行云銀青
光祿大夫行太子右論德兼崇文館學士上柱國平
涼縣開國公員半干撰王履清碑前一行云朝散大
夫行河中府功曹參軍上柱國賜魚袋上谷侯冕撰
張敬銑誌銘前一行云鄉貢進士河東薛長儒撰而
皆不列書者姓名唐杜君綽碑前一行云殷王府下
高正臣書張阿難碑前一行云瑤臺寺僧名書令狐

德棻碑前一行剝泐只存政書二字李孝同碑末一
行云許州臨潁縣令諸葛思楨書張希古墓誌前一
行云雁門田穎書段行琛碑前二行云朝請郎檢校
尚書刑部員外郎兼鳳翔少尹侍御史賜緋魚袋張
增書朝議郎行鳳翔府關二縣尉李同系篆額而皆
不列撰人姓名唐獨孤仁政碑前一行云劉待價撰
末一行云吏部常選宏農劉珉書泌州刺史馮公碑
前一行署崔尙撰末一行云國子監丞太原郭謙光
書楊岐山甄叔大師塔銘前二行云沙門至閑譔瑯
琊王周古額篆末一行云書碑人僧元幽皆前後分
而署之也錢竹汀金石文跋尾續元至正三年濟陽

縣曲堤鎮大成廟碑凡屯戍之所稱鎮元時正奉大

夫山東東西道肅政廉訪使王士熙撰翰林學士承

旨榮祿大夫知制誥兼修國史知經筵事張起巖篆

中順大夫西蜀四川道肅政廉訪使楊僖書碑刻篆

額人例在書者之後此獨起巖列僖前當自起巖先

達不欲多上之耳又至正十四年濟南郡宣懿公張

宓碑翰林國史院編修官李國鳳撰文亦起巖篆額

皆列名于前而書丹者為宓之從子景德則退居碑

末並例之變也東魏李仲璇修孔廟碑在城王長儒

書大覺寺碑韓毅書皆刻於碑陰末行後周華獄廟

碑于瑾造文趙交淵字德本書官階姓名書于碑末

年月日之後隋陳叔毅修孔廟碑仲孝俊作文書於

碑末唐御史臺精舍碑前題中書令崔湜任殿中侍

御史日纂文後題開元十一年殿中侍御史梁昇卿

追書唐華嶽精享昭應碑前題平陽臧虞撰末題彭

城劉升書唐任城縣橋亭記列撰人游芳書者王子

言而記末題篆額人王日雲唐嵩陽觀聖德感應額

李林甫上裴迴題額徐浩書題額人一在碑末一在

書人之前皆見金石萃編又蒼崖云柳州羅池廟碑

前列韓愈撰沈傳師書

而碑末題陳曾篆額

文中敘撰書篆人

金石萃編北齊隴東王孝感頌為申嗣邕撰書碑篆額

者為梁恭之文中敘云開府中兵參軍梁恭之盛工

篆隸騎兵參軍申嗣邕微學摛藻並應命旨俱營頌

筆唐于志甯碑合狐德葵撰其子立政書文中敘云

太僕少卿上護軍立政有至性善居喪佳城之下膝

義敬託雕鐫護軍彭陽公敦煌令狐德棻爰自青襟
便申莫逆豈謂後事之託竟屬元常碑字多泐故官階序文不全錄
蘇許公碑張說撰銘盧藏用撰序并書序中藏用不
自署銜名而於說詳載云中書侍郎全中書門下平
章事昭文館學士兼修國史皇太子侍讀范陽張說
刊石紀頌詞如清風文苑英華元希聲碑崔滉序張
說銘盧藏用篆序去余與公一遇相得二紀全游追
慨疇曩援毫涕集公執交南陽張說范陽盧藏用當
代英秀文華冠時而盧兼有臨池之妙故張述銘盧
篆石天下稱是碑有二美焉張說平貞睿碑云俾余
作頌布哀豐石少子授八分之妙獨善當時公平日

惠愛故存之刊刻顏魯公元結墓碑云中書舍人楊
炎常袞皆作碑誌以抒君之德業故吏劉袞等感念
舊恩竭資鬻石願垂美以述誠真卿不敏嘗忝次山
風義之末尙存盡往敢廢無媿之辭王禹玉華陽集
王懿敏公素誌銘云余與今參知政事馮公當世少
從公游及公薨余自次公平生所爲作銘而當世爲
公書旣又樞密相文潞公爲篆公之銘蓋呂陶淨德
集都官員外郎趙君誌銘云某與君進士全時旣銘
其墓乃請於太常吳公爲之書又請於紫微李公爲
之題蓋韓元吉南澗稟龐祐甫誌銘云予收涕作銘
以成祐甫之誌而鄱陽章甫冠之爲書於石姚牧菴

鍾君誌銘末云奮筆發隱太史燧方正學宋仲珩墳誌銘末云孝孺勒辭書鄭濟

兼書碑陰

唐開元時立後周尉遲迴廟碑閣伯璵敘顏真卿銘蔡有鄰書并陰謂兼書碑陰也此例未見蒼崖舉之書碑銜名年月別題

金石萃編開元十五年北嶽恒山祠碑張嘉貞文暨書文前嘉貞官銜姓名及碑末建立年號月日爲李克嗣題此例所創見祠廟非墓石附識之

塔銘非僧

金石文字記天寶三載騎都尉薛良佐塔銘再從兄鈞

撰弟良史書文云年止廿八卒于里第塔於鍾南山施陀林善知識之次此官而葬以僧者事之變格卽文之變例也更有異者金石萃編協律郎裴公故妻賀蘭氏誌銘云泊大漸移寢於濟法寺之方丈粵翌日奄臻其凶春秋卅有四卽開元四年十二月十日至十九日遷殯於鷓鳴堆寶陪信行禪師之塔禮也以婦人而卒移于寺葬耐于塔其夫裴公尙存恬不爲怪而猶謂之禮何哉

父子撰書列名

金石萃編唐代國長公主碑前二行云駙馬都尉鄭萬鈞撰文男聰書夫撰文而子書之全列名於前亦是

一例

僧書碑

附婦人書碑

唐內侍將軍張阿難碑瑤臺寺僧書阿難宦寺僧為書

碑宜也

金石錄唐楊思勗碑中官楊思勗之父義男鍾紹京撰并書趙跋以為父事闕豎又著之金

石無恥甚矣

乃領軍將軍上柱國乙速孤神慶碑宏文館

學士苗神客撰而書者為釋行滿王蘭泉云卿大夫

墓碑用方外人書不多見也玉繩案唐貞元時張詵

夫人樊氏墓誌銘沙門至咸撰亦奇又案開元廿九

年太原府交城縣石壁寺鐵彌勒像頌碑前一行云

前濮州鄆城縣尉林諤撰次行云太原府參軍房璘

妻渤海高氏書三行云朝議郎太原府司錄參軍事

常山蘇婉題額婦人書碑僅見附識于此集古錄疑

好事者寓名以為奇然謂高氏所書又有安公美政

頌則非寓名矣趙子函石墨鐫華稱其筆法遒勁信

足名家

書人不署姓

唐元和九年河南府司錄盧公夫人崔氏誌銘殿中侍

御史內供奉竇崇直撰公變書公變不署姓

或公是姓又

宋淳化二年徐休復拜文宣王廟記前一行但云給

事中撰不署姓名更為糊見

撰書人稱號

海甯錢廣伯馥曾為子言在友人家見洪武五年合肥

人張處士墓誌獨楓居士撰并書案金石無稱號之
例然金石錄唐檢校太子少保田公碑嵩山布衣書
大興翁學士方綱兩漢金石記元皇慶三年鄆陵縣
儒學教諭李警撰重立漢尹宙碑記古洧歲寒野人
王克讓書丹金石萃編唐貞元十三年鹽池靈慶公
碑陰記五老山人劉宇撰并書宋天禧三年敦興頌
虛儀先生撰金正大五年重修濟瀆廟記種竹老人
撰乃知古人固有以號著於石刻者不足異也瘞鶴
銘署華陽真逸則又前此矣

書碑字異

東魏興和三年李仲璇修孔廟碑任城王長儒書雜篆

分隸草於正書中一行之內各體相間此式甚奇明
郭宗昌金石史趙礪石墨鐫華及顧亭林朱竹垞並
非之然不可不知古人有此一種蓋因三體石經而
變其格也郭忠恕三體陰符經以篆爲大字而分注
古隸於下亦倣石經

刻石異式

唐文貞公宋璟碑及碑側記皆顏魯公撰并書此碑兩
面一側俱刻碑文其一側刻碑側記述廣平逸事補
碑中所未及又顏氏家廟碑茅山李元靖碑殷府君
夫人碑皆魯公撰書兩面兩側環刻凡文多而限于
碑制者可倣此式鐫之

立碑無文

南齊書文獻王嶷傳亦云有碑無文

御覽五百八十九卷引李綽尚書故實曰東晉謝太傅墓碑樹貞石初無文字蓋重難製述之意

文不用碑

文有刻於墓前石人者陳子昂河內縣尉陳該石人銘

是也

恭承遺言立石人分金刻丹書記歲辰兮青龍甲午銘茲墳兮

有刻於石塔者

蘇頌唐故悼王石塔銘是也

葬萬安山之東南嶺壘石塔一丈於其土

刻於石柱者張說涼州長史元仁惠石柱銘是也

篆刻

場名亭

並見文苑英華

誌銘廣例

錢塘梁玉繩

間書先世

集古錄劉熊碑光武皇帝之元廣陵王之孫俞鄉侯之

季子

不書曾祖

金石錄戚伯著碑勃海君元孫季景長子

不書曾祖及祖

隸釋蔣君碑祖考交州刺史從父交阯太守

不書父

衡立碑曾祖父以儒林清節官至左馮翊

案文苑英華金石萃編唐宋名人文集此類甚多

不勝摘舉蓋用漢碑例也

書先世異稱

梨洲云范育呂和叔墓表稱曾祖為皇考祖為王考庾

承宣為田布碑稱曾祖為大王父柳州柳府君墳前

誌銘廣例二

石表辭稱高祖王父曾祖王父祖王父玉繩案高祖
曰高門見唐段行琛碑曾祖曰曾門亦見行琛碑及
唐濟度寺尼惠源誌叔祖母曰季祖母見漢曹全碑
或謂稱庶王介甫主客郎中王公及陸廣葛源誌銘
稱曾祖爲曾大考祖爲大考

祖父書號

止仲云黃山谷瀘南詩老史君誌銘嘉州生溥不出仕
號江陽隱君江陽生回能詩自號知非子知非生宗
簡名能知人善料事自號天和子天和子實生詩老
例無書祖父之自號者此書之亦一例玉繩案周益
公知潼川府何耕誌銘大父延世號休菴居士段元

愷誌銘父冲字謙叔自號潛叟

母不書姓

止仲舉李文公兵部侍郎贈工部尙書武公墓誌既書
丁尊夫人憂又書母夫人暴卒朱文公司農寺丞翁
君墓碣銘既書調某官以母喪不赴又書以少母喪
去官皆不書母姓玉繩案文苑英華碑誌類中多有
不書母姓者但曰母夫人曰太夫人曰先夫人

問書妻先世

韓文公集賢院校理石君誌銘娶彭城劉氏女故相國
晏之兄孫不書少尹李公誌銘公之配曰彭城劉氏
夫人夫人曾祖曰子元祖曰餗不書案文苑英華諸

碑誌中多有此例

妻不書姓

文苑英華楊炯昭武校尉曹通碑夫人某官之女也權德輿王公端神道碑夫人累贈隴西郡太夫人又云前此夫人歿於洛師俱不書姓

不書夫姓名

葉水心虞夫人誌銘但云歸其夫云夫死自治塋宇云卒年七十從夫葬山陰縣承務鄉道木原而不書夫之姓名此例未見觀集中祭虞夫人文殆有所為而不書歟其子名子純進士第一人官至兩制

書子不書妻

韓文公柳子厚誌銘子男二人長曰周六始四歲季曰

周七子厚卒乃生女子二人皆幼

子厚娶楊憑女先卒不書

處士

盧君誌銘有男十歲曰義女九歲曰孟又有女生處

士卒後未名清河郡公房公墓碣銘其子越能輯父

事無失王介甫金溪吳君誌銘君母夫人既老而子

世隆世範皆尚幼三女子其一卒其二未嫁胡君誌

銘子七人某舜元為善士梨洲云書子不書妻周隋

間多有之至唐如孫逖誌李暉獨孤及誌姚子彥皆

然

不書妻而書妾

梨洲云婢妾所生之子書其子不書其母古例皆然至

元而壞之玉繩案柳河東祕書郎姜君墓誌子某年若干母曰霄姬則有不書妻而書妾者矣周益公宋待制誌銘生母令人崔氏胡泳誌銘事所生母袁氏盡敬固有書妾者矣至止仲舉陳后山魏嘉州墓銘旣書兩母之氏到又特書所生何氏別封旌德縣太君以其有封也他若柳河東太府李卿外婦馬淑誌氏曰馬字曰淑生廣陵母曰劉父曰總李君納爲外婦卒年二十四元微之葬妾安氏誌子稚男荆母曰安氏字仙嬪韓魏公安陽集有太夫人胡氏墓誌乃專爲其人而作故備書之耳

書未娶

柳河東試大理評事裴君墓誌未果娶有男子二人女一人男女蓋微出也文苑英華李華元魯山墓碣銘不及親在而娶旣孤之後單獨終身杜牧裴希顏誌銘不娶無子曾南豐張久中誌銘亦書未娶又劉原甫皇再從姪克壯石記年十有七尙未娶故無後

書子女先後

凡書子女或單書長嗣而不詳敘子及女之名數或統於其父而總書子女若干人或以初娶後娶所生之子女而分書之若誌婦人則單書所生之子女大抵皆男女異長男先女後不凌雜也乃有女先乎男者韓文公朝散大夫尙書庫部郎中鄭君誌銘初娶吏

部侍郎京兆韋肇女生二女一男後娶河南少尹趙郡李則女生一女二男四門博士周況妻韓氏誌銘開封尉諱俞之女開封娶趙氏生二女二男河南緱氏主簿唐充妻盧氏誌銘父貽娶上黨苗氏生三女二男白香山有唐善人建墓碑有二女五男元微之贈太子少保崔公誌銘前夫人滎陽鄭之尚女七女三男又有子女以年爲次者金石萃編北魏懷令李超誌銘息女孟宜息女媛姿息女仲妃息道冲息女婉華息女佺顏息女四輝息道逸道栖又有先庶後嫡者柳河東朗州員外司戶薛君妻崔氏墓誌薛君名與與之他姬子丈夫子曰老女子曰張婆妻之子女子

曰陀羅尼丈夫子曰某實後子

書妻妾異稱

初妻稱元室見唐常袞叔父員外郎誌銘及宋汪藻衛膚敏滕子濟墓誌亦稱元娶見金石萃編宋范子巖墓誌妾稱少房宋金華方愚菴墓版文梨洲拈出全謝山集中引用之妾母稱少母止仲舉朱文公司農寺丞翁君墓碣銘以少母喪去官又元文類元明善袁君夫人史氏誌銘少母張氏

書孫異稱

漢劉熊碑光武皇帝之元漢尹宙碑東平相之元會稽太守之曾皆省去孫字顏魯公錢唐縣丞殷君夫人

碑傲之又兄弟之孫稱猶孫元微之李公建墓誌銘
夫人房氏在太尉瑄爲猶孫

書女出家

碑誌中書女爲尼爲黃冠者多有之而唐初尤甚雖帝
主顯家競披緇入道蓋當時風尚如此不足爲異所
異者唐睿宗以金仙玉真二女爲道士資天皇太后
之福法婉法師乃唐中宗之三從姑父臨川公德懋
捨爲尼以資其父襄邑王神符冥福時年十三可謂
佞而愚矣

梁肅李縣丞夫人梁氏誌銘晚歲修釋氏法命第四子爲沙門

書已嫁復歸

張說李氏張夫人誌銘夫人寡居無子以歸宗焉梁肅

御史李君夫人蕭氏誌銘夫人無子晝哭之後歸于
其宗韓文公盧處士誌銘育幼弟與歸宗之妹經營
勤甚東坡范蜀公誌銘女一人嘗適左司諫吳安時
復歸以卒張文定公誌銘亦書女已嫁復歸王禹玉
華陽集翰林侍讀學士賈君黯誌銘母陳氏繼母史
氏陳初歸其宗父戒君他日能自顯則往迎之君卒
迎陳母歸封仁壽郡太君史封唐安郡太君劉貢父賈公行
狀陳后山仲父資官縣尉陳君誌銘娶某氏不終故
其葬不耐周益公蔡子亨誌銘四女其一旣嫁復歸
元文類盧摯趙宣慰淇誌銘女淑儀以疾絕婚歸甯

書祖母曾祖母改適 附外家

王禹玉辜氏誌銘著作佐郎充祖蚤世祖妣陳氏再從

入葉水心徐公德操誌銘父澤少孤母劉夫人挈之

從呂氏因以所從為姓及公仕始復姓徐樓攻媿簽

書樞密院事正惠林公神道碑曾祖祿太子少保妣

陳氏延甯郡夫人祖邦太子少傅妣姚氏高平郡夫

人考茂臣太子少師妣李氏信安郡夫人皆以公貴

追贈初少傅隨母妹盧氏再世承其姓公始復為林

又韓魏公安陽集太夫人胡氏墓誌云夫人父寬始

仕孟氏太祖平兩川例遣歸闕生夫人於京師久之

不得調卒夫人從母李氏適故秦王牙吏王慶王被

譴左右皆得罪家族無依遂以夫人歸於太師是魏

公為側室所出而生母之母嘗改適也富鄭公撰魏

道碑止書魏公嫡

母羅氏不及胡氏

書母改適附妹韓文公中大夫陝府左司馬李公誌銘岌為蜀州晉原

尉生公未晬以卒無家母抱置之姑氏以去歐陽公

范文正公神道碑公生二歲而孤母夫人貧無依再

適長山朱氏名文翰官既長知其家世感泣公自刻

苦舉進士為廣德軍司理參軍始迎其母以養及貴

贈公考諱塲為太師妣謝氏為吳國夫人富鄭公撰

全曾南豐錢純老誌銘公幼孤家貧母嫁既長還依

其族之大人樓攻媿朝散郎李公誌銘公八歲而孤

未幾所生母展氏去以叔父直閣延賞補將仕郎詣
行在所至江州水南始遇展氏於塵中抱持相哭別
十餘年而得奉色養者二十年贈安人汪淨溪右文
殿修撰趙公億誌銘公四歲而孤外家奪母志屹然
自立於齠齕之中取魏主管雲臺觀趙公善譽誌銘女弟再適人皆竭力資遣
書妻改適

梨洲云張景妻唐氏再適宋祁載之書妻變例也案止
仲舉陳子齋太令人黃氏誌銘云先適大中大夫孫
公諱迪次適中奉大夫游公諱潛子男三人諤為孫
氏子玉繩案劉貢父大理評事張晦之誌銘委禽於
唐氏生子一早夭晦之即世以歲之不易久而去室

晦之有兩墓誌宋文鑑收宋子京作韓元吉安人盧氏誌銘夫人年十

七嫁復州教授周君之才有子與女三人矣周君不

幸即世夫人居且十年逮終姑喪乃若有所不容者

夫人之母徐遂以夫人歸徐氏名人傑官考功郎中太恭人李

氏誌銘夫人初適符寶郎錢端義生一女子矣而寡

為朝請大夫祕閣修撰韓公繼室名繼球字美成汪藻令人

施氏誌銘令人毘陵施氏朝奉郎知臨安軍贈少師

諱辨之子全郡孫氏為朝請郎致仕贈中奉大夫諱

庭臣之繼室令人年十七適胡氏逾年而嫠會中奉

求繼室徧國中莫如令人之賢少師亦以非中奉無

足當令人者乃彊奪其志歸之

書女改適

梨洲云韓文公三女其長女初適李漢改適樊宗懿誌
 書塔左拾遺李漢葺集賢校理樊宗懿葺即塔之別
 名此皇甫持正變例也玉繩案文苑英華張說撰睿
 宗七女郎國長公主神道碑銘云求之令族嬪于薛
 氏名有男子四女子五其後君子晨歌夫人晝哭朝
 制斷恩改降鄭氏名孝義均養七子休蔭二宗沈亞之
 郭駙馬誌銘乃汾陽王第四子嚶之少子名失尚西河
 公主西河主前降吳興沈氏生子男一人皆直書不
 諱勒諸碑石唐史公主傳有再嫁三嫁者又樓攻媿朝散郎李公
 誌銘女二人長適姜處俊再適夏祖禹次適登仕郎

王祐之周益公靖州太守李君發誌銘一女適右朝
 奉郎知邕州葛永慶再適奉議郎前知南安軍南康
 縣彭邦光葉水心錢表臣誌銘一女先嫁戎知剛再
 嫁某官翁誠之誌銘三女次嫁分水縣令馮遇遇死
 再嫁進士何某陸放翁正尚書佐誌銘女四人長適
 溫州平陽縣主簿梁叔括叔括卒再適提舉湖北路
 常平茶鹽張孝曾止仲云陳了齋仁壽縣君高氏誌
 銘書女適某官姓某再適某官姓某

生卒書時

梨洲云凡書生卒止書某年某月某日不書某時案朱
 文公劉樞密墓記范直閣墓記皆詳書其生之年月

日時止仲舉之矣玉繩案梁簡文帝陶先生墓誌銘
大同二年三月十二日癸丑巳時華陽洞陶先生蟬
蛻于茅山朱陽館金石萃編唐淨藏禪師身塔銘寂
滅以天寶五載十月廿六日午時楚金禪師碑以乾
元二年七月七日子時右脇薪盡火滅雪顏如在吳
楊溥時龍壽院光化大師碑銘吳大和六年中秋二
十八日夜子時歸真丈室宋西平公石保吉碑以大
中祥符三年四月二日晡時啟手足於豐義坊之私
第樓攻媿知江州汪公誌銘外祖少師生於熙甯十
年年六十一季舅始生年丁巳時庚申皆與少師全
周益公清遠縣令鄧君洵侯誌銘卒年七十六君以

十月十九日昧明生其死也月日時適全方正學宋

仲珩誌銘三十有七庚申死季冬八日時加巳明文

範

張侍
徽輯

張邦奇按察副使張曷誌銘公生正統癸亥

九月工十二日寅時卒正統庚寅九月二十七日子

時配杜氏生正統乙丑九月八日丑時卒正德丙子

三月二十五日丑時則六朝以來已有書時者矣

書月時之異

止仲云朱文公范直閣墓記生年不書甲子而書釋歲

謂元默敦祥
上章執徐

卒年亦然又一例也案金石萃編唐潘

府君智昭誌銘以戊子歲實沈月五日癸酉殯于長

安龍首鄉未署云天寶七載七月五日景時實沈者

七月也景時者午時也月用星紀時用干維他文未見惟北齊書南陽王綽傳有景時錢竹汀金石文跋尾卷六閼忠寺一條云遼金石刻之文多有甲時乾時庚時坤時蓋以甲乙丙丁庚辛壬癸乾坤艮巽代十二支也

書卒之異

顏魯公徐府君神道碑夫人春秋六十有八棄堂帳于相州之安陽文苑英華穆員梁慎初誌銘子賁奉先公之裳帷以安窆焉李華李司馬誌銘迎裳帷於太原歸安洛汭權德輿王刺史夫人崔氏誌銘奉二尊裳帷間關道途獨孤及獨孤公夫人韋氏墓誌啟手

足之日長幼號咷以轉袂裳帷遷于洛陽權德輿杜

岐公誌銘十一月辛未啟手足京師安仁里季少安

誌銘喪服甫除俄啟手足常袞楊靈巖誌銘啟足牖

下梁肅皇甫縣尉誌銘啟手足於嘉興縣私第金石

萃編宋李宗諤石保吉碑啟手足於豐義坊之私第

又文苑陳子昂爲其父元敬誌銘隱化于私宮申州

司馬王府君墓誌遷神於某原之陽范傳正李太白

墓銘遷神於青山柳宗元崔敏誌銘遷神於舟他若

道士卒曰解駕梁陶宏景隱居集許長史舊館壇碑曰遁化顏魯公李元靖先生

碑萃編李志尼卒亦曰遷神唐興曰遷化唐宣化

行塔尼法願誌銘曰捨壽僧卒曰遷形亦曰遷化

萃編唐道安禪師塔記及僧惟新等經幢又文苑白居易興善寺大徹禪師碑僧臘三十九報年六十三權德輿契微和尚塔銘報年六十二經夏四十一梁肅開元寺曇律師塔碑銘報年八十僧夏六十一劉禹錫牛頭山融大師新塔記報身示滅李吉甫徑山寺大覺禪師碑報齡七十九呂溫南岳彌陀寺承遠和尚碑報齡九十一許堯佐東林寺熙怡大師碑銘報齡七十一萃編田休光唐法藏禪師塔銘報齡七十有八無撰人唐朗空大師塔銘報齡八十五又文苑李華中岳越禪師塔記凡入諸佛正位二十九夏存父母遺體五十九年鶴林寺徑山大師碑銘菩提位中六十一夏父母

之生八十五年

葬地書向

隸釋郎中馬江碑先君之庚地文苑英華權德輿李雍誌銘與子洪洞君庚申分穴張說馬府君碑夫人穴於兆之甲大夫龕於域之庚杜工部集祖母范陽縣太君盧氏墓誌入著作之大瑩我太君用甲之穴順壬取甲金石萃編唐候官縣丞湯華誌銘歸葬于明州鄞縣龍山鄉江上里庚向之原韓魏公韓愷誌銘於相州安陽縣新安村先塋東百步之近得地吉用丙穴以葬王禹玉呂諫議公綽誌銘公考終之歲以十月朔謁告拜文靖墓召寺僧指地之北偏曰余其

金石例
補卷

歸此明年遂葬公子鄭州新鄭縣懷忠鄉神崧里從
文靖之塋乃先指之壬吉果符其言銘亦云公歸其
中在地之壬葉水心鮑清卿誌銘葬於父朝散墓東
壬山堪輿家羅經之術見於文中漢以來有之矣

光緒三年春月
行素草堂較刻

金石例補序


金石之有例自潘景梁始其括例止取韓柳二家明王
止仲推而廣之以唐宋十五家之文爲準而斷以己意

本朝黃梨洲爲金石要例補潘氏之闕其言體要亦
備是已朱錫鬯檢討嘗言碑誌始於東漢欲取洪氏隸
釋隸續臚列其體製以補三家之例而未及爲磨質性
禱昧問學荒落然竊嘗有意於碑版之文以爲泥於例
則官府吏胥之交移也不知例則鄉農邨學究之論說
也顧旣以爲有例則必從其朔東漢其鼻祖矣輒不自
揆取洪氏之書爲之條分而縷析之間以後人祖述之
繇附識於後魏晉六朝上承漢氏而下啟唐人者也其

者唯言出于有道德之人始傳信焉又其言非有實指其體終不能遠於流俗昌黎歐陽王曾之文所謂指事書實者也于是而必規其初體得毋蹈習之之所譏歟夫著述之事因時而遷屢變則又從其朔說經者之反乎鄭虞也論詩者之反乎蕭選也皆從其朔也而碑碣有不能非事會使然歟雖然可變者辭而不可變者修辭之例也說經殊而訓詁不殊論詩殊而安章宅句不殊又豈特碑碣然哉彼循其變而昧其初之例其失固惟固斯陋吾病夫固陋者之託於韓歐陽王曾之文而不能自擴也又病夫規韓歐陽王曾之文而言不實亦不足傳信也時頻伽撰金石例補甫成東里生因敘次

其言以爲後序嘉慶十有八年七月朔後二日仁和汪家禧撰





金石例補目錄

卷一

序先世例

書遠祖不書三代例

書遠祖三代不書名例

書遠祖及父不書祖父例

書祖父官位不書名例

書某人孫例

書祖考兼書從父例

書祖父兼書兄例

書高曾祖父名字官位例

書祖父術業例

書父不書祖父例

書祖父及世父叔父例

書父叔父及弟若子例

不書祖父書某人弟例

書高曾祖父變例

三代皆書字及夫人例

書子女例

書弟及子名字官位存沒例

書子名及官位例

諸子不悉書例

書妻子女及壻變例

書夫人例

書祔葬例

備書兄弟例

書卒年月日例

書卒年月日變例

書年壽卒葬日例

書卒官例

卷二

不書名書字例

書立碑人例

子為父立碑例

孫為祖立碑例

妻弟立碑書名例

舅之孫立碑書名例

弟及子作碑書名例

同官作銘書名例

書制銘人例

弟銘兄例

書造碑人例

書居憂例

書賜弔贈官賜諡例

碑題書郡邑例

書私諡例

碣題官位例

附書他人例

一碑二人作例

頌後有序有亂有詩例

墓碑有亂例

書助葬人例

壽藏銘例

書童子例

書故民例

書遷葬例

婦人碑誌書夫官位及姓氏例

婦人墓誌以夫姓冠氏上例

諸王不書姓例

誄序用韻不用韻例

穿中有記例

碑前列上書制詔例


碑後列制詔例


應詔作銘書年月例

書奉敕例

書作又變例

紀功碑書其人三代例





金石例補卷一

序先世例

吳江 郭磨 祥伯

漢國三老袁良碑君諱良字厚卿陳國扶樂人也厥先
舜苗世為封君周之興虞闕父典陶正嗣滿為陳侯至
元孫濤塗初氏父字立姓曰袁魯僖公四年為大夫哀
十一年頗作司徒其末或適齊楚而袁生闕獨留陳當
秦之亂隱居河雒高祖破項實從其冊天下既定還宅
扶樂孝武征和三年曾孫幹斬賊公先勇拜黃門郎封
關內侯食遺鄉六百戶後錫金紫遷脩城之鄴幹薨子
經嗣經薨子山嗣傳國三世至王莽而絕君即山之曾

孫

按此碑序袁良得姓受封傳爵國除凡一百六十餘
言而世次勛業瞭然在目最為可法昌黎諸碑表皆
本於此不及其祖若父者勛爵無可紀故略之也
漢敦煌長史武班碑武君諱班字宣張昔殷王武丁久
伐鬼方元功章炳勳藏王府官族分析因以為氏焉武
氏蓋其後也商周遐邇歷世廣遠不隕其美漢興以來
爵位相踵

按此序其得姓之始而世次略之

書遠祖不書三代例

漢泰山都尉孔宙碑君諱宙字季將孔子十九世之孫

也

此特書聖裔尊聖也世次不書略也

書遠祖三代不書名例

晉右將軍鄭烈碑遠祖以亢節著德揚光漢氏之初近
葉以儒術博古顯名中興之後逮至曾祖先生皇祖徵
君蹈明哲之高尙嘉肥遯而不悶顯考將作大匠實有
茂德載在國策

按漢人碑文其述先世多不著其名此碑遠祖即鄭

君不肯名籍者所謂亢節著德也

書遠祖及父不書祖父例

漢孔謙碣孔謙字德讓者宣尼公廿世孫都尉君之子

也孔彪碑亦然

按書宣尼尊聖也不書祖略也

書祖父官位不書名例

漢郎中王政碑君諱政字季醜漢中太守之孫從事掾之第三子也

漢封邱令王元賓碑君諱闕字元賓御史君之孫茂材

君之子也

書某人孫例

漢司隸校尉楊淮碑大司隸孟文之元孫也

按二王君碑皆著其祖父之官而不著其名楊淮碑止著其祖後人志墓之文或止稱其顯聞於時者祖

此例也其王政碑曰第幾子又一例也隸續云凡稱

元妃元子元兄元舅之類皆以長言之二楊俱曰元

孫猶元士然以元為美稱也按楊淮碑兼及其弟故

洪氏云然費鳳碑又有元弟亦美稱也

書祖考兼書從父例

漢平都相蔣君碑君之祖考闕為交州刺史從父交州

太守闕能輸力王室以篤臣節功列天府令聞不已

書祖父兼書兄例

漢圍子長夏承碑君諱承字仲充東萊府君之孫太尉掾之中子右中郎將弟也

書高曾祖父名字官位例

漢綏民校尉熊君碑君高祖父籌自汝南吳闕子靈王
 元孫大漢龍興闕舉鄉闕拜議郎南巡郡國封龍平闕
 祖父闕舉闕大司馬闕曾祖父闕督郵守長州
 辟元闕君闕應上計闕祖父闕師闕上計掾君闕喬字漢
 舉更督郵主簿五官闕

按隸釋云漢人敘先世但云某家之孫某家之子既
 不名其父祖亦不著其德美此碑獨異於他刻高曾
 之間又有祖父闕其上闕文蓋伯叔祖也祖之下云
 君喬字漢舉喬上亦闕一字必父也愚謂漢人立碑
 皆門生故吏士民頌功德之詞意在其人之事迹不
 必詳其先業非若後世埋銘神道碑之文也然唐人

銘誌亦不必盡詳視其可紀與否耳末流諛墓遂非
 此不足以爲悅矣亦文章升降之會也

書祖父術業例

漢鄴令景君闕銘君治歐陽尚書傳祖父河南尹父步
 兵校尉業門徒上錄三千餘人明明側陋遠近照聞
 漢衛尉衡方碑君之烈祖少以儒術安貧樂道履該顏
 原兼修季由聞斯行諸砥仁礪闕土堦夷愍之貢經常
 伯之寮位左馮翊先帝所尊垂名竹帛考廬江太守兄
 雁門太守長發其祥

書父不書祖父例

漢郎中鄭固碑君諱固字伯堅著君元子也

漢孝廉柳敏碑君父以孝廉除郎中闕部府丞

書祖父及世父叔父例

漢議郎元賓碑魯相之孫成德闕東安平令北海相闕
守之弟子中牟令兄子也

書父叔父及弟若子例

漢安平相孫根碑府君諱根字元石司空公之伯子樂
安太守之兄子漢陽太守侍御史之兄乘氏令之考

按書其子而曰某之考亦蒙上文遣辭不得不爾非
有例也

不書祖父書某人弟例

漢金鄉長侯成碑君則上黨太守之弟

書高曾祖父變例

漢尹宙碑君東平相之元會稽太守之曾富波侯相之
孫守長社令之元子

按漢碑敘其先世多曰某人曾孫某人孫某人子如

楊淮碑已見及屬國侯李翊碑君諱翊字輔國牂柯

太守曾孫謁者孫從事君之元子是也此碑稱元曾
而去孫字亦別例也

三代皆書字及夫人例

北魏刁遵墓誌高祖協元亮某官夫人彭城曹氏父義
某官曾祖彝太倫某官夫人闕雍淑和某官夫人琅

邪王氏父闕

按漢人書其祖父止有官闕而不書名從未有及其配者此則既著高曾祖父之官位與名而并著其字既書其夫人而又著其夫人之父可謂詳矣此亦世變文繇之一驗也惟遵之夫人與其父高允別書於銘詞之後則爲無體潛研堂金石跋尾以爲墓志之變例然不可從也

書子女例

漢孫叔敖碑陰相君有三子長子卽封食邑固始少子在江陵中子居三闕又世伯子字子仲治產於績虛有六男一女大子字長都次子蘭卿次弟字仲陽次弟字叔通次弟字衛公次弟字劉卿此績宗六父也孝伯子

字文

闕

亦不仕學治產於材虛亦有六男一女大子字

惠明次弟字次卿次弟字聖公次弟字稚卿次弟字彥

卿次弟字少都此材宗六父也

按此列孫氏宗族於碑陰序次特詳然皆字而不名

又以長子爲大子次子以下蒙其兄而稱弟此亦當

時偶成之體可備一例也

書弟及子名字官位存沒例

漢綏民校尉熊君碑君同產弟望季公質性忼慨史魚之直吏功曹列掾督郵都梁長早終君長子再孝存姿操敦良耽志好學博覽雅藝闕三奏辟召于州終

書子名及官位例

漢梁相費汎碑二子纂闕鳳由宰府至堂邑令政九江太守

諸子不悉書例

北魏刁遵墓誌小子整等泣徂年之箭駿痛龜筮之告祥

潛研堂金石跋尾云遵有子十三人誌惟云小子整等不及諸昆弟之名蓋遵沒時整兄楷尙均已先卒古人文字之質而簡如此而諸弟姪不以不列名爲嫌又徵古風之渾厚也按少詹殆有慨於流俗乞志墓者以不備書其子姓爲不樂故爲此論攷之漢人表志皆不盡書其後嗣之名也

書妻子女及婿變例

北魏故懷令李君墓誌銘妻恆農楊氏父談爲邾州主簿息女孟宜年卅六適恆農王始儁郡中正息女媛姿適遼西常彪侍御史息女仲妃適武威賈子謐涼州治中息道冲息女婉華息女休顏息女四輝息道逸年十六息道棲年十三

按中州金石志此數行皆在銘詞之後與刁遵誌書妻及妻父於後相同而子女錯雜書者當以年齒爲後先也女作息女子作息各著其年而女之夫各著其官亦後世誌銘之濫觴也

書夫人例

漢金鄉長侯成碑夫人以延熹七年歲在甲辰十一月三日庚午遭疾終末一行

漢郎中馬江碑夫人宛句曹氏終温淑慎咸曰女師年五十五建甯三年十二月卒

按漢碑無書配者其書夫人皆已卒蓋祔葬於兆故及之也又夏堪碑甥會謝氏并靈合柩則含葬而書也

書祔葬例

漢郎中鄭固碑先是君大男孟子有楊烏之才善性形於歧疑闕見於垂髫年七歲而夭大君夫人所共哀也故建闕共墳配食斯壇以慰考妣之心又其辭曰嗟嗟

孟子苗而弗毓奉我元兄修孝罔極魂而有靈亦歆斯勒

漢郎中馬江碑君中弟字文緒位主簿督郵志行闕期落落自有大節年卅二早世短折

按鄭碑當是其弟爲之而以鄭君之子祔葬所謂共墳配食奉我元兄也馬碑隸釋以爲當是因夫人卜兆以馬君共塋又同時改厝其季故作碑并言之夫人已見前書夫人例中

備書兄弟例

漢北軍中候郭仲奇碑君惠兄竹邑侯相次尙書侍郎次濟北相順弟臨沂長次徐州刺史次中山相次雒城

金石例補卷一
令咸以孝廉公府茂選貞亮皦白翼翼瑛彥配周之八
爲國楨幹又聞兄疾病率爾逝將念妨弟路遜位恬榮
按此碑先書元城君之第四子後敘自周以來至漢
家世而於三兄四弟備載官位一以見其門伐之盛
一以見郭君友于之篤昌黎李虛中慕志詳書其兄
事柳州楊憑等誌銘正似此也

書卒年月日例

漢謁者景君墓表維元初元年五月丁卯故謁者任城
景君卒

漢郎中王政碑脩仁不闕卒從氛暴以元嘉三年春正
月戊寅闕既沒而否

漢平輿令薛君碑惟延熹六年春三月平輿令薛君卒
烏虜哀哉吏民其咨咨君之德迺建碑石于墓之側
按景君薛君兩碑皆先書卒之年月日於前及敘立
碑頌德之意隸續所云薛君碑前有序凡三十六字
是也王政碑則卒年月日書於中隸釋曰東都自路
都尉始見墓闕蓋表阡銘壙之濫觴也有文而傳於
今則自景君始

書卒年月日變例

漢巖訢碑惟漢中興卯金休烈河平元年歲治東宮星
屬角房月建朱鳥中呂之均萬物慈躬華實青蔥歧行
蠕動咸守厥常人物同授獨遭災霜顛隕徂落壽不寬

宏經說三命君獲其央年六十有九禮勝蚤天咨嗟痛
兮嗚呼悲傷故著名誅噲嘆歔歔發憤援筆舒慮曠喟
其辭曰云云

隸續以爲庚寅四月又云漢人銘墓皆一律此文先
書其所終歲月及壽考踰百言始云伊歎嚴君諱訢
字少通遂述其行事與費鳳兩碑略同

漢外黃令高君碑光和七年龍在困敦月次鶉火六日
丙申卒

按兩碑所紀歲月皆不直書柳子厚伯祖妣李夫人
墓誌銘云諱其芳壽且康大梁鶉火沈幽光用此例

書年壽卒葬日例

漢平都相蔣君碑

闕

天不弔降災賢良

闕

六十有五元

嘉二年三月甲午卒

漢郎中鄭固碑乃遭凶愍年卅二其四月廿四日遭命
隕身痛如之何

漢議郎元賓碑年卅八延熹二年二月

闕卒

漢中常侍樊安碑年五十有六以永壽四年二月甲辰
卒

漢冀州從事張表碑春秋六十有四以建寧元年三月

癸

闕

薨疾而終其年十有一月丙寅克葬

按漢碑或止書卒或書卒之年月而不書其年壽其
書年壽者皆在卒年月日之上其例如右卒例止日

而不時近俗爲行述輒書某時非古也張表碑兼書葬日又司徒掾梁休碑亦有三月戊寅卜葬之文蓋綦備矣

書卒官例

漢平都相蔣君碑六十有五元嘉二年三月甲午卒遭疾不豫闕卒於官

漢益州太守高頤碑建安十四年八月於官卒

金石例補卷二

不書名書字例

漢故民吳仲山碑熹平元年十二月上旬吳公仲山少立名節約身剛已隸釋云碑無其名仲山其字也按此州縣民人所立不名亦尊愛之也

書立碑人例

漢謁者景君墓表碑陰有諸生服義者十五人隸釋以爲卽立碑之人也

漢郟令景君闕銘諸生服義百有餘人迺刻此石

漢北海相景君銘於是故吏門生相與論曰

吳江 郭麇 祥伯

漢議郎元賓碑於是族舊門人莫不傷瘁立銘以詠君德

漢郎中王政碑於是門徒士夫闕君咸有闕乃相與立

石表行以闕後

漢平輿令薛君碑吏民其咨咨君之德乃建碑石於墓之側

按以上皆門生故吏戚族所立故碑止言其立石之

意而不著其名或有碑陰者即詳列其爵里名字他

皆類此柳子厚殿中侍御史柳公墓表云凡我所知

哀痛無極又云故友諸生宗人外姻號慟會葬又云

於是汝南周公巢等相與琢石書德用圖不朽皆祖

述漢碑例也

子為父立碑例

漢中常侍樊安碑嗣子選實以幼弱夙敘王爵而器所

天禮備復位以延熹二年冬十有一月自上烝祭乃尋

惟烈考恭修之懿勒之碑石俾不失墜

漢司隸校尉魯峻碑息叡不才弱冠而孤承堂弗構析

薪弗荷

按金石萃編云子為文棐石以述其父漢碑中創例

愚謂此瀧岡阡表之所放也

孫為祖立碑例

漢梁相費汎碑適孫均感奚斯之義刊銘元石旌勒厥

按隸釋以爲此碑其孫所立故其銘有穆穆顯祖之
文

漢國三老袁良碑於是厥孫衛尉滂司徒掾宏闕乃刊
石作銘

漢從事武梁碑孝子仲章季章季立孝孫子儁躬修子
道竭家所有選擇名石南山之陽擢取鈔好色無斑黃
前設壇坦後建祠堂良匠衛改雕文刻書羅列成行攄
騁伎巧委蛇有章垂示後嗣萬世不忘

按此皆子孫銘其祖考其自述如此隸釋以爲武梁
碑兼列良匠之名與鄗閣頌列石師孔耽神祠碑所

列治師名同後世署刻石者姓名實始此矣

妻弟立碑書名例

漢堂邑令費鳳碑惟熹平六年歲絡於大荒无射之月
堂邑令費君寢疾卒烏乎哀哉於是夫人元弟故闕守
卜允追而誄之

舅之孫立碑書名例

費鳳別刻金石錄君舅家中孫甘陵石勛字子才載馳

載驅奔於器庭肝確意悲感切傷心瞻彼碑誄懷之好
音司馬慕蘭相南容復白圭仰之以彌高鑽之而彌堅
不堪哀且思敘詩之一篇庶幾昔子夏起夫子之所言
按以上二碑前碑妻弟卜君所作後碑舅之中孫石

勛所作兩碑文皆五言後碑所云瞻彼碑誅懷之好音謂卜君碑也此又與張公神祠碑同例柳子厚房公碑陰杜牧之韓文公孔子碑陰意皆同此

弟及子作碑書名例

漢純令劉修碑二弟龍純孿哀孔懷孤生雋協邵長號思慕立此碑銘以表行

同官作銘書名例

漢敦煌長史武班碑於是金鄉長河間高陽史恢等追惟昔日同歲郎署云云故闕石銘碑以旌遺德焉

漢孝廉柳敏碑堂無文麗墓無碑識建甯元年縣長同歲健為屬國趙臺公憤然念素帛之義其二年十月甲

子為君立碑傳於萬基因勒銘歎之

按前碑云同歲隸釋以為同年為僚也後碑同歲蓋謂同年被徵也又云漢碑多門生故吏所立至於同歲為之者唯此二碑一死一生而寮友之好不變如此愚謂後世銘誌之文多有述交際愛厚之情者蓋本於此

書制銘人例

北魏陸希道銘側題字前涼州刺史兼吏部郎中陳郡袁翻字景翔制銘

按孟縣志此條不係銘詞之前後在誌之側面別刻一行又云魏碑誌皆不著撰人名字此獨并著其字

者殆因翻有大名愛而重之故書以爲光美耳愚謂
好名之心後世益甚漢人有書作銘頌之人者卽其
立石之人自表慕仰之意也此字不知其子孫刻之
抑袁君自喜而署之要之開後人誤文書丹之漸矣
弟銘兄例

漢郎中鄭固碑琦瑤延以爲至德不紀則鍾鼎奚銘昔
姬闕武弟述其兄闕行於蔑陋獨曷敢忘乃刊石以
旌遺芳焉

按此碑詳味其語琦瑤當是鄭君之弟昔姬以下闕
二字當是旦頌言周公能述武王也漢人遺詞無所
拘忌大都如此

書造碑人例

漢巴郡太守樊敏碑建安十年三月上旬造石工劉盛
息燥書

按漢碑或書某年月日造或書立其郾閣頌書石師
孔耽碑書治師武梁碑書良匠此云息燥是石工之
子而能大書深刻足可傳矣武氏石闕銘有石工孟
季季弟卯造此闕華山碑有郭香察書古人不肯苟
於其事如此

書居憂例

漢安平相孫根碑遭公夫人憂
漢涼州刺史魏元不碑遭泰夫人憂

按孫君父爲司空故書公夫人泰卽太字漢制惟列
侯母稱太夫人此借稱以尊之也昌黎孟貞曜墓誌
稱尊夫人

書賜弔贈官賜諡例

漢太尉劉寬碑天子閔悼惻怛內發手筆爲策闕涕咨
嗟使右中郎將張良持節臨弔贈車騎將軍印綬位特
進賜含贈襚有加典禮復使五官中郎將何夔持節諡
曰昭烈侯

按漢碑皆稱君此碑文內稱公者以劉君爲三公舉
其官也鼂錯父呼錯爲公亦呼其官耳後世遂爲年
老及有爵之通稱矣

碑題書郡邑例

漢光祿勳東平無鹽劉府君碑

隸釋云漢人銘墓以郡邑題其首者所見唯此一碑
書私諡例

漢司隸校尉魯峻碑於是門生汝南于闕沛國丁直魏
郡馬萌勃海呂圖任城吳盛陳留誠屯東郡夏侯宏等
三百廿人追惟在昔游夏之徒作諡宣尼君事帝則忠
臨民則惠乃昭告神明諡君曰忠惠父

按此爲私諡書碑之始

漢元儒先生婁壽碑國人乃相與論惠處諡刻石作銘
按唐韓昌黎銘孟郊書貞曜柳子厚表陸先生書文

通皆用此例隸釋以爲羣下私相諡非古也未流之弊故更相標榜其論甚正

碑題官位例

漢車騎將軍馮緄碑一要金紫十二銀艾七墨綬

此總計其所歷之官也隸釋云緄終於廷尉而以將軍題碑者重金紫也

漢司徒掾梁休碑辟司徒府秉忠蹈絜又勞滿奏上拜新都令

隸續云梁君終於邑宰而以公府掾書其額者重內也

按漢人碑題官位或舉其大或稱內官後世如昌黎

爲權文公神道碑題稱故相權之卒時已罷相矣後漢許慎本傳稱爲涑長而其子上說文表稱故太尉南閣祭酒此官范史不載未審其就辟與涑長孰爲先後嘉慶五年杭州西湖立許叔重祠欲書粟主而疑其官位後遂兩存之若準此例則書公府官爲得矣

附書他人例

漢綏民校尉熊君碑故長沙茶陵長文春字季秋質摻貞良慈仁汎愛治天官日度風角列宿明知聖術在官修德民歌遺風春秋七十以道隕遷宗允不紀故爲宣昭故桂陽陰山豫章關長重安侯相杜暉字慈明體質

宏亮孰仁好道治易梁邱春秋公羊氏綜覽百家無所
不甄典歷三城居官清惠遺愛在民春秋七十終族後
關故困顯德以示來允

按隸釋云似是同郡盛德之士作文者惜其無紀錄
故附之左方也愚謂此必熊君之故交同官故附著
之若柳子厚亡友獨孤君碣先待御石表碑陰之類
也至王介甫處士徵君墓表王正仲謂敘德履而并
其同志之友三人者敘之則正如洪氏所言表徵闡
幽之義也

漢張公神碑朝歌長鄭彬立左右闕表神道樹碑廟堂

之前銘勒神懿光秘後昆其辭曰云云後又云監黎陽
瑩謁者李君畏敬公靈好鄭長文徹奉佐工恂幅殷勤
作歌九章頌公德芳其辭曰云云

按此張公不知何神鄭長既為立碑作銘而謁者李
君好鄭之文又作歌九章共刻於碑此亦一例也後
世誌銘有序與銘各一人者祖此也

頌後有序有亂有詩例

漢司隸校尉楊孟文石門頌四言有韻後有序亦四言
有韻凡六句又漢都鄉孝子嚴奉碑有頌又有亂曰云
云

隸續曰其碑有文有頌又有亂曰十六句又有數行

載邑官甄表之因又漢李翁鄴閣頌乃作頌曰皆四
言頌末云乃詠新詩下復有詩如騷體皆變例也又
按北海相景君銘乃作誄曰云云後復有南曰云云
隸釋云南者亂省其乙也則墓銘亦有此例矣至校
官碑先稱誄而後乃稱序體例倒置未可以爲法也

墓碑有亂例

漢巴郡太守樊敏碑其辭曰云云又有亂曰云云

此與嚴舉碑同例又廣漢屬國候夫人碑有嘆曰

書助葬人例

漢堂邑令費鳳碑故吏故鄣施業字世堅義民堂邑儼
忠隸釋云誄之後載施業儼忠二人竭力送終之事業

者鄣土之故吏忠者堂邑之義民皆費君之舊部也初
敘儼忠早喪慈考母服未除有廣陵之役聞訃來奔祖
載還鄉及泉隧有期復截經杖扶號柩棺列種奇木建
三磐石此其大略也

按碑陰亦載兄弟甥舅諸姑伯姊夫人孝孫悲傷哀
痛之意宛轉淒切昌黎柳子厚墓誌書舅弟盧遵亦
此例也

壽藏銘例

漢梁相孔耽神祠碑年逾皓首縣車家巷黃髮流卽不
老背有胎表孫息敖姚驩樂壽考觀金石之消知萬物
有終始圖千載之洪慮定吉兆於天府目覩工匠之所

營心欣悅於所處云云末有小字數十文曰子得述父
臣得錄君故紀焉時君年七十二自所立作君子颯作
丙至疑有脫誤時已更郡諸曹史督郵承認紀行手自注石
治師同縣朱適朱祖并作畜郭

隸釋云孔君自作壽藏而厥子刊石也按趙岐嘗自
作圓石而書其辭皆後人生壙自誌之始也

書童子例

漢童子逢盛碑童子諱盛字伯彌薄命之元孫遂成君
之曾孫安平君之孫五官掾之長子也

按碑稱童子年十有二又云慈父悼傷割哀回鯉於
是門生東武孫理下密王升等感激三成一列共義

故共刊石敘述才美以銘不朽蓋其父之門生爲立
石者童子書字以成人禮之也此一例也後韓柳女
孥下殤女子銘記皆自爲之辭其體例漸廣矣

書故民例

漢故民吳仲山碑隸釋云漢之仕者沒有遺愛其州縣
之民爲之豨石鑿銘則自稱曰故民吳公匿迹韜光不
答聘召作碑者體其謙晦之操故以民稱之故民者物
故之民也

按後世如重其人之字則以字稱之柳子厚尹師魯
墓誌之類是也從人所尊如貞曜先生徂徠先生墓
誌是也有官位而不足以爲其人之重則不書者處

士侯君孔處士墓誌之類是也墓銘舉例論之甚詳而其例實放於此

書遷葬例

北魏司馬元興墓誌銘以永平四年歲次辛卯十月癸亥朔十一日癸酉遷葬在溫城西北廿里記之

按元興卒於太和十七年相距已十九年矣其誌略不及其事迹有銘辭而無銘曰之文皆與他碑異抑或先已有志懼再告也其紀遷葬之年月日甚備此王例也

婦人碑誌書夫官位及姓氏例

晉任城太守夫人孫氏之碑

按漢氏婦人有碑誌者絕少侯成馬江二碑中及夫人者皆以祔葬故夏湛碑亦然洪氏所錄惟司農劉夫人碑其額已闕廣漢屬國候夫人碑以中有臧侯苗焉之文始知其姓兩碑文之首皆以夫之官位系之其題額而署姓氏者實始於此漢兩碑文皆古簡此碑序其爲女時勸父辭婚爲父所異爲婦而舅姑嘉其淑婉娣姒宗其德音沒而二子追懷罔極刻石爲辭蓋已漸就繇繹矣至北魏司馬景和妻墓誌銘其前書魏代揚州長史南梁郡太守宜陽子司馬景和妻墓誌銘則書其夫之官位并其姓名而書之矣然妻之姓氏則見於文內而首行不著至唐人則夫

之官位姓氏與其妻之姓氏皆列於首行如昌黎監察御史元君妻京兆韋氏夫人墓誌銘之類甚多若柳子厚爲王叔文母墓誌而以子之官位系之尤爲無法不可爲典要矣

婦人墓誌以夫姓冠氏上例

周庾信周大將軍隴東郡公侯莫陳君夫人竇氏墓誌銘後魏驃騎將軍荊州刺史賀拔夫人元氏墓誌銘周大都督陽林伯長孫夫人羅氏墓誌銘

按子山諸誌皆以夫姓冠其氏又有譙國公夫人步陸孤氏趙國公夫人紇豆陵氏安昌公夫人鄭氏諸文其標題不書姓者以有封號或作配宗室也

諸王不書姓例

梁沈約齊故安陸昭王碑文公諱緬字景業

按王止仲墓銘舉例有宗室不書姓例本此

誄序用韻不用韻例

魏曹植王仲宣誄晉潘岳楊荊州誄宋謝莊孝武貴妃誄序皆有韻潘岳夏常侍誄馬汧督誄宋顏延之陽給事誄陶徵士誄序皆無韻

按漢人銘墓之文亦曰誄是誄與誌銘相通也其序如誌辭如銘若意主於詞則序可簡而用韻王仲宣誄之類是也若欲敘次其功績行義必累幅乃能盡者其序用韻則不能委曲達意馬督陶徵士之類是

金石錄卷二
也此無定例可以意得之漢人頌功德之碑其辭曰
之前亦多有韻者古人文簡故也

穿中有記例

隸釋有張賓公妻穿中二柱文洪云亦埋銘之椎輪
按詳其文有於穿中造內棲柱作崖棺則柱爲寘棺
之用而因刻石以記之柳子厚爲其女兄墓志書於
蓋石亦此意也近鮎埼亭集文屢用穿中字

碑前列上書制詔例

漢孔廟置守廟百石孔和碑

魯相史晨孔廟碑

宏農太守樊毅復華下民租碑

無極山碑

按此四碑孔和碑凡有三式三公奏天子一也朝廷
下郡國二也郡國上朝廷三也隸釋謂可以見漢代
文書之式者其碑建於永興元年其奏事及詔皆在
元嘉三年末後有讚曰云云史晨碑止載建甯二年
三月魯相臣晨長史臣謙上尙書云云無詔末後卽
銘其饗孔廟後碑曰欽因春饗導物嘉會述修辟雍
社稷品制卽上尙書參以符驗乃敢承祀餘胙賦賜
刊石勒銘并列本奏則序其得請之後饗廟之禮也
樊毅碑亦止載光和二年十二月宏農太守臣毅上
尙書云云末後一行云宏農太守上祠西嶽乞縣賦

發差復畢下十里以內民租田口算然亦無制可之
文其修畢嶽碑乃有上奏復賦克厭帝心之語無極
山碑載光和四年太常臣耽丞敏上尙書云云制曰
可其書到言以下有南陽馮府君於是言太常奏可
其年八月丁丑詔書聽其九月更造神廟恢拓祠宮
乃立碑銘德頌山之神焉云云前列書詔後述建立
敘次周悉爲碑文正例東坡表忠觀碑正合此例

碑後列制詔例

漢中常侍樊安碑制詔中常侍樊安宿衛歷年恭恪淑
慎嬰被疾病不幸蚤終今使湖陽邑長劉摻追號安爲
騎都尉贈印綬魂而有靈嘉其寵榮烏乎哀哉延熹元

年八月廿四日丁酉下

按此在墓碑之後殆追刻也潘岳馬汧督誄亦載贈
官制詔則悲其被誣而獲申耳

應詔作銘書年月例

梁陸倕石闕銘於是歲次天紀月旅太簇皇帝御天下
之七載也下云爰命下臣式銘盤石新刻漏銘上云歲
纏闔茂月次姑洗皇帝有天下之五載也下云天監六
年太歲丁亥十月丁亥朔十六日壬寅漏成進御下云
乃詔小臣爲其銘曰

按石闕卽是年所立漏刻造於五年成於六年故兩
書年月也

書奉敕例

後周華嶽頌末二行使持節驃騎大將軍開府儀同三司大都督司宗治內史臨淄縣開國公万紐于瑾造此文車騎大將軍儀同三司縣伯大夫趙興郡守白石縣開國男南陽趙文淵字德本奉敕書

按此後周天和二年所立文與書竝列其名唐瑾作頌文中已有乃詔史臣語故止書名者著奉敕也其兼書字者與陸希道銘同奉敕之名始見於此亭林以爲撰人書人列名始此則非也

書作文變例

東魏太公呂望表末行通直散騎常侍聘梁使平東將

軍中書侍郎恆州大中正修左史汲郡太守穆子容山行之文

按此既著其名又著其字不曰撰而曰某之文皆變例也又先刻盧無忌舊文於前而後書作碑之故亦後來第二碑之所放也

隴東王感孝頌時開府中兵參軍梁恭之盛工篆隸騎兵參軍申嗣邕微學摘藻並應命旨俱營頌筆

按此作文書碑之人俱序於文中不更列名亦變例

紀功碑書其人三代例

漢曹全碑君諱全字景完敦煌效穀人也高祖父敏舉孝廉武威長史巴郡胸忍令張掖居延都尉曾祖父述

孝廉謁者金城長史夏陽令蜀郡西部都尉祖父鳳孝廉張掖屬國都尉丞右扶風隃麋侯相金城西部都尉北地太守父蟬少貫各州郡不幸早世是以位不副德按此是曹君門下掾部功曹等所立紀功者而書其高曾祖父綦詳亦漢碑中所少見生存而曰諱則當時往往如此其序征和德為戍部司馬又足以證劉敞無己字之確也

